

九江府志卷二十九

詩四

國朝

郡學尊經閣墻壞歌

陳奉茲



食時一霹靂頃時一霹靂三更一霹靂五更一霹靂三更五更
霹靂聲乃是巖墻倒兩三百尺羣犬狂吠烏亂啼十里聞者不
安席旦日親友來相問顧視吾床皆歎息借問倒傾何處墻尊
經閣峻是膠庠上棟題名江太守九十年前成此堂江太守守
郡之日何事

狩獐據入室鶴鷗遺子號枯桑城壕人血

深沒滕六月

雨霜殘民相見驚
麟鳳縱使悖道法不忍

加刑章勝國時學校廢爲灰礫場公旣仰籲而俯喚民乃左弼

而右鉞徵材雲窟感神運測曜中階符囊裁貞珉大筆自紀績

同時發揮文與黃

文德翼黃雲師
兩前輩亦有碑

尊經之閣相連起錦軸紗厨

貯經史後來蔡守漫修爲近日宋兄粗整理宋兄冷官家壁立

能令生白累萬紙縛帚曰嚴童僕課何溥牆根納暗水我來假

館逾三年此牆論功誠莫比隔斷市囂靜絃歌包容和煦長桃

李步履登閣江天晴依牆置榻橐索聲檻外千家入樹色窻中

一水浮花明經年此興無復到危牆欲傾久未傾風力無窮屢

拒抵棟材不撓終崢嶸後棟年深材亦朽牆棟謬新貴可人何

山松柏挺漢虬何處埏埴鏗秦缶能仁寺棟前山前僧持綠籜

告化緣富者累百金貧者錢數千數千錢少書紙尾奉簿還僧

顏赧然大雄寶殿高秋嶂金碧氣盤霄漢上別殿更謀易陶瓦

所費又當十室劓乞我作序晚脫稿朝見肅肅集工匠作序者

我我乃不如僧仰屋高歌天寥亮此牆一壞誰知修此牆當修

費易籌莫從風雨俱榛邱

聖代文翁事多有我能書碑紀其休我且爲詩諗所由

廬山清寫

陳奉茲

幽人草堂鹿麋
魚簾看下鑪峰雪何由此日知城中色倒寒
江動晴空百里入眼凝且融更喜殘照呈軟紅燕支山玉壘峰
西極豈逐前夜風飛來合作奇龍從甘棠湖水變春酒脫帽高
歌招臆臚裘茸禿盡困公車山中猿鶴竟何如齋糧往從獨立
芝田鶴愛其饑甚嚴飲啄載果遙喚深棲琪樹猿愛其不叫安
晨昏我雖作詩豈多言

初冬之南昌取道廬山下過東林望天池二首高槐室明
府方爲天池之遊以詩見寄卽用其韻并簡高公

陳奉茲

漸隔塵埃但有風虎溪欲到思無窮路盤雪澗寒流裏寺在霜
林曉色中蓮社無人嫌酒客草堂有地著詩翁愧子心雜常饑
走生長名山屐未通
嶺貯寒泉千尺風高標靈鏡路難窮塔如古木蒼崖上松似遊
仙碧落中未辦幽尋乘鶴侶且須近學飯牛翁天衢正著王喬
屨一氣真知

帝澤通

槐堂以治行破
薦行且入都

江上迴望香鑪峰

陳奉茲

匡廬轉迢遞香
秀孤峰色立寒氣正情留去人濃東林初識

面上流若爲茶 九孟襄陽表此開奇智江豚動浮日瀝見會
晚風落木楚塞間權歌巴船逢家世幸得將桑梓猶懷恭草堂
戀宦轍况有籃輿蹤登艦眺既切陟岸眷彌重蒼然水烟渺會
是歸雲封

異松歌 并序

陳奉茲

松生仙居鄉月洲上龍鱗老矣一人褐寬博負樹一人
不知至若虬枝擎空土人云徑圍二十取一得九十有
九翠卒莫敢戕戕者暴殛枝血出故曰異也歌以志之
怪底此松生此中株嶺桓桓走松匪石門戕戕敬松東古來異

人飲水畱圖讖云金雞玉犬浮印推鈎之地生英雄勁氣而
容壽籍注木公通譜者五大夫受秦封本文誓庶數符說說之
斯蠡見者退而歎曰其猶龍我來驚拜輪因奇言惹萬古想枝
痴村農一株九十九枝鐵枝枝聖輓窺神重恨無青牛頭項豐
慎勿出口雷斧攻漢朝元氣抱根抵唐朝霜雪含丰茸想其杈
材初直上應是地祇百靈扶而登天宮天帝謂不可勅遣六丁
力士挽仰成強弓天寒日落松子墜風遼巡俯拾教豎心忡歸
來耶孃苦推問得非鈎取嬰神恫傳聞先祖誤戕病至死戕盡
枝血流殷江柱 更立言淺見事樛櫟無用天年終豈知正直獨

立標鴻蒙紫雲目感頑情通君不見仙居鄉裏萬家灶寒事斤
斧山皆童怪底此中存此松

瞻斗堂遺址二首
吳法韶

山殘水剩樹蒼茫誰與重論瞻斗堂
老婆娑傳舊雨挑燈評
臨艾東鄉

勝事消沈數十春
隔生草樹盡成塵
他年擬築存先雅
免得荒

基月弔人

登大浩山

凌該

一峰海上來
盤屈踞萬里
挺險走徧東南
區森然突兀摩空起

醉中大叫披窺源
振衣直上崑崙巔
巉岩截徑塞斷石
奇見怒削撐青天
空中隱約見村落
絕嶺豁曠開平田
舉頭霄漢勢欲
近千山萬山浪
疊羅峰前作雲
忽不雲形狀不
可數無雲峰欲
晴有雲峰欲雨
應有行雲行雨
人來往虛空人
不覩西南瀑布
翻驚沙飛岩怒
吼傾銀蛇長虹
白晝忽飲澗天
風暝晦吹霜花
雨峽竇屹千萬
仞雜樹倒挂生
槎枒暗谷幽林
隱苑院鐘鼓無
聲悄虛殿夜深
風雨龍虎吟山
魘木客時隱見
山僧招我菩提
棲葡萄綠泛金
罍卮狂呼一飲
二千石耳邊惟
聞清猿啼佇立
白雲端羣鸞在
天上我更覺天
高欲上猶瞻望
安得青雲百尺

梯登天一覽元黃萬變之情狀

義豐山

燕日暄

義豐蒼藹與雲齊天矯田龍見郭西月色瑩臨青玉案晴嵐晃
入碧玻璃橫拖翡翠浮烟市四徹清光罩綠畦螭御吹迴牛背
笛山城細柳赤霞栖

史君山訪少室書院遺趾

黃白蓮

逸興豐暇豫尋雲到邱壑紆迴陟層岡鏡意窮林薄林籟動鳴
琴山光悅鳥雀幽境含清曠然天地拓昔聞賢刺史風威星
融燦壁閣集髦英清心粹士鏘斯文應未墜典墳豈糟粕茲邱
擅地靈先進獨卓犖亭亭偃蓋松冥冥真報客鶴深情緬古人冷
風下寒籥

白雲山

鄒大醇

灑氣結蒼旻白雲生石隙空天布霓羽恨不攜刀尺

遊清泉亭追溯倪大尹有作

原名一
林亭

鄒大醇

迴瀾繞砌響潺湲亭在林泉最勝間如見村盤來父老尚餘水
碓轉機開花繁鳥下移春檻樹蔭人趨銷夏灣問道當年行役
者清涼境憇一杯還

遊九仙寺

李必揚

春深入古寺仙境趣無涯微雨侵疎竹輕風舞落花洞隨山共
曲雲引樹俱斜此地堪容榻携琴看暮霞

夜宿紫岩聽泉

李必揚

靜裏遙聞何處聲紫岩拍浪瀉層泓穿溪濕澗林花重漱石寒
添夜月明僧坐懸崖心自寂鳥棲近樹夢頻驚相傳瀑布匡廬
好誰識源從此際生

羅漢寺

羅秉珪

散步荒郊外乘閒坐法堂性原不耐熱寺覺自生涼到眼皆詩
意沾衣有稻香爭如赤脚漢都肯學羲皇

玉華洞

潘樵

此地傳清勝呼朋冒暑遊亂篁穿徑小曲洞聚雲幽蟹老潭成
窟鏡鑿石似樓仙鬼何處覓寂歷問荒邱

白雲山感懷

潘樵

始來山上白雲少白雲而今覺纏綿手執青藜撥白雲露田空
中天小小雲聚雲散奚足悲世情反覆傷懷抱桑田倏忽易滄
溟朱樓金谷疾風掃五陵公子上將軍何曾走馬長安道不知
兀坐白雲間長時飲酒賦詩好白雲白雲且甯情鯁生興會非
草草再供笑做數十年扶持作箇商山皓不富不貴復不仙日

日上看雲早白雲卽我我白雲不知雲老我更老

詠烈女孫譜姑

潘樵

幼女安知殉節奇深閨早誦柏舟詩羞將穢行汚膚體直要芳
名鑄鼎彝慷慨何如刳鼻日從容却勝墜崖時此身比似芙蓉
潔任出淤泥也不淄

雙節詩爲花萼李鄒熊二氏作

王世章

千秋女史鏤血深襟裂山石痕千尋李氏堂前兩松柏屈鐵枝
撐衆木陰自從琴亡絃頰絕先後吞聲耳欲截相對淒涼一片
心萬斛傾來瑤池雪大妣亦有石麟兒頭角嶄然二豎痴阿咸

芽苗三珠秀兩遭凶閔卽如絲一家弓冶兩巾幗纖柔力脆精
氣聚不辭兼作禦侮臣但憐先世文章脈茶鑄諫讀勝熊丸五
夜雞聲夜月寒從此上林蹇翹羽滿眼袍鶴淚中看山中恨無
水行舟零星穗麥已成邱黃坑遠近幾千竈有突不默耿百憂
中丞旌徽正星馳母氏嗚咽泣覆匙身是未亡容有待誰言節
孝父兼師有聲從來當徹天徹天之淚濕重泉閨中不解人間
事處士荆扉車馬闌我無君家長句好青瑤鑄之浮天藻詩成
秋月照空庭清輝直入廣寒道

九仙臺懷古

郭良鑄

九疑人在雲烟裏
信息苜蒲對面耳
五老峯前送好風
二尖嵐外消神水
黃昏淡月影形憺
幸接丹臺序紫髯
若信神仙海昌土
儘教夢幻駕銀蟾

禮斗石

羅秉楸

最愛神仙窟
方春亂墜花
瀑多晴亦雨
徑曲近還賒
丹竈莓苔鎖
高臺薜荔遮
登臨情未已
莫教夕陽斜

義峰聳翠

羅秉楸

羣峰秀峭插天關
野鶴無心任往還
清齋偶來松下立
却忘身倚翠屏間

石潭山

伍攀龍

石潭秋色淡晴烟
四壁風高障雨還
帆影霏雲外
度雁聲嗵
壑容心傳無邊
風月堪求友
已定聲名不問仙
坐近虎林鶩
虎啼一聲吼
破碧空天

柵嶺

胡庚安

仙掌芙蓉落玉盤
參差奇石矗雲端
雨餘好鳥呼晴早
日暮輕烟鎖翠寒
寂寂山崩羅縠幕
巖巖峭壁錯欄杆
高峰障列千重
秀何事桃源洞裏看

金盆寺

丁應乾

九江所志 卷二十九 藝文
髻年拂劍走秦山萬疊層崖次第攀下馬臺邊風颯颯方塘池
畔水潺潺烟籠草色侵疏雨雲鎖松枝立白鷗四壁叅天星可
摘恍疑身在斗牛間

登博陽九仙寺

丁應乾

扶筇躡遠岑拜此龕中老青鳥噪山腰白雲棲樹杪磬聲入耳
清花色映簾好揖別下丹臺布衫仙氣繞

大明寺

周新邦

荒刹紆迴一徑斜老僧愛客煮新茶泉穿石罅蜚寒雨門納山
光點暮霞靈運謾來依淨社金輪將出現曇華龍湫固自多風

雨一婁雲生轉路賒

同友人遊巖泉卽事

周新邦

微泉流日夜小鳥耶陰晴殘月滿村白新茶入夢清疎狂羞故
態奔走笑浮名典至時拈句鶯鳴待友生

上崑崙山 二首

周新邦

欲盡崎嶇路山高物色奢暖風梳石髮流水漱雲牙翠落懸崖
竹紅堆照壑花遊踪不可駐心醉直忘家
控引百重山星辰咫尺間幽花涵月竇遠韻送湖潺禮斗嘗棲
石餐霞不閉關崆峒今近似羽士尚班班

寓紫巖泉

周新邦

春鎖堤楊綠滿枝飄搖窻外日遲遲勸名底事爭雞肋富貴由
來愧繭絲草色自深揚子宅吟魂空入謝家池浮沈世事東流
水盡付閑軒酒一卮

小崑崙山

陶三才

曾是崑崙第一峰巨鰲載入此山中從來方外無塵到還許人
間有路通絳雪紫霞非昨夢瑤花雲葉自春風玉喬一去三千
載試問蟠桃幾度紅

小崑崙山

吳之昌

書暇尋真倚馬蹄崑山聳翠與雲齊九重闔闔星辰近十二樓
臺雨露低松桂晚寒看鶴舞藤蘿秋暝聽猿啼吞霞仙友知何
在石上敲碁日又西

小崑崙山

李錦

客館披衣上曉鞍步高一步陟崑山蛟龍窟近珠宮濕虎豹關
嚴王珮珊日月壺中天地老風雷壇上斗牛寒閒凭十二闌干
立笑把奇花仔細看

釣臺漁唱

丁日贊

只在烟深處持竿釣碧流閒將嚴子意譜入歷陵秋逸調傳沙

渚清風送荻洲滄浪歌罷後應賞此心幽

釣臺漁唱

羅萬鵬

未展絲綸用持竿上釣臺風波供冷眼簑笠混庸材浪靜魚常樂機忘鳥不猜有時濤興發一曲水雲隈

玉華洞

曹特瓏

騁興尋幽到玉華洞中景物競相誇劈開山色成圖畫噴出泉香沁齒牙爭道比邱垂象別獨看明月傍烟斜仙踪淨似桃源地峭壁山崖自作花

山莊

何焯

老石巖前屋半間一生長剩一身閒携雲喚鶴歸來晚風滿松頭月滿山

戴何氏節烈

陳嘉會

裾裂綱常在身亡節義存紅顏抗逆寇碧水濯芳魂月照明還漱溪流清不渾從今載祀典彤管紀貞媛

春江烟雨

文師大

草樹連江漲綠肥輕烟細雨總霏霏一聲欸乃適漁棹連引遙帆入翠微

溪上七夕歌

章國錄

顧盼千秋年僅百誰策隙駒馳過客去年落拓京華遊惆悵銀
河在今夕今年溪遶舊門前依然兀坐如安禪復看牛女離終
合就中欲覓巧機傳袋續千般方把袂饑雲渴雨逢甘脆那來
暇得巧分人現把金梭拋水際際會風雲正有時巧機恐亦費
心思天心若有真機巧儘可長年合不離此間有巧不容說莫
騁輕車奔九折康莊盡處忽通津真巧原來存大拙今古茫茫
幾劫灰鵲橋何渡復何回任他河漢無踪影高歌且放酒樽開

漢槐里侯祠

章國錦

雲臺原佐六龍旋却隱長春主洞天誰識英靈今不沒騰空白

氣正滂然

石蓮菴

曹家曙

何處尋秋色石蓮有好山嵐侵紅樹醉峰靜白雲間烹茗僧雷
話探奇客懶還終朝香一瓣何必出塵寰

蘇亭墨竹

文運隆

綠竹何處無斯亭獨著名蘇公一此過題壁聊紀行筆端含墨
瀟灑向竹叢生山形長不改墨竹無餘莖後來江夏公亦欲繼
其聲五嶽有時平海水有時清人生貴有托世故任紛夏二公
不河見落日西山橫

漢溪

文存周

漢溪東走廬山麓峭壁飛濤爭起伏千仞廬山瀑布長漢水蜿蜒迴九曲何人最愛中曲瀆漫叟當年曾結屋至今雅韻挾流波墨光還射東坡竹代典幾許洩靈光欲洩仍雷風太橫岩居乃得侶羲皇寵辱不入羲皇目嘯發一聲空幽谷

尋趣園長歌

方定中

漢山胡笑兀漢水胡屈曲迤邐赴城東幽人茅結屋門閉徑望三風雅朝同六階種園雪梅籬時傲霜菊壁破敲詩補室空堆書足松使者爲友尖頭奴作僕顏曰尋趣園妙趣殊簇簇經史

趣之根道義趣之骨詩酒趣之餘山水趣之窟棲處趣欲流淡中趣可掬茗趣日益佳新趣時還續幽趣陋羲皇雅趣辟庸俗坐花趣橫生散步趣逐逐及尋趣之形非金亦非玉細聆趣之聲不絲亦不竹鄙夫沈華麗掉臂慵矚目惟我愛君深寫趣供君讀趣雅足長歌趣越山水綠

水城路遺懷

王元

誰與康莊水城路絡繹奔赴日無數莫道漢邑如彈丸却是吳楚大門戶吳楚門戶大且強北枕蘄黃右武昌蘄黃尚隔長江壑武昌繡錯紛相望聞得明季賊兵起此地居民多轉徙我

朝廷鼎蓋疆邊四野哀鴻復爰至而今承平百餘年比戶謳歌
雜管絃但願健夫長守鑰千秋萬歲戴堯天

題初憇堂觀察之樓

風雨築堤圖

周厚嘏

岷江西來東復東居民奪地迴江風歲久地平一水闕田廬沒
入蛟鼉宮使君高蓋擁旌節利民乃與水爭工奪還膏腴付蒼
赤金堤硨磲如長虹官錢餉水水亦縮又愁春漲妨農功乃以
官民出郭外自當風雪於江中武昌入望烟靄落金支翠蕤來
玲瓏使君玉立峻丰骨指揮海若呼豐隆當年氣概重京洛黃
塵烏帽騎青驄我曾瞻拜共春酌恰來鄉郡居併幪我家住近

彭蠡側江流一帶環綠腫泥沙土塊經盪剔蒹葭蘆荻俱溟溟

使君威重德亦重黍苗陰雨歌芄芄紫陽長堤亘數里濼溪鹿

洞淵源通大厦先成開講肄士民耕讀將毋同

公先修濼溪書院于郡城匡

岑黛色重重出崢嶸鬱鬱儕啞啞作歌我亦鈔輿頌望公榮戟

高巖崑江長水遠勢空濶恩波漫漫天無窮

題彭澤劉東橋解元

瓶

小孤山圖

周厚嘏

小孤山踞彭澤東上游下游之當中滄注彭蠡泄江漢吐納日
月關魚龍高不百丈頂圓銳冠以多樹烟蒙籠其趾延袤石散
阜有穴頽洞聲涵洪峻峭凹凸自立骨面背側仰皆成峰距南

北岸劃都會一襟帶水交襟幢屨曾作客蠟屐屐此焉小憩支
瘦筇眼界放爭天地大脚踏踏笑波濤鬆金焦兩點顧若盼咫
尺千里流能通大孤招邀一程耳彎彎眉黛誰爲容兩孤孤立
非姑譬好事者說吾不從曉氣箭騰林年霧夜深怪吼江豚風
舟人懼退漁人樂咨子聽詫居民聾人生有情各異態江月不
礙終懸空解元詞人會心好指揮願陸捕摩工我詩非詩亦畫
匹稿筆切近青芙蓉鄉關塵淨山靈冠掛帆一去春濛濛

沈雲叔少宰按試淳陽郡過湖口阻風登石鐘山有作因

次其韻

周厚轅

兩石山踞三里城城低山近來鐘聲聲來水上因風大往徃竟
阻行人行侍郎高軒駐星節玉鑑下注寒潮生江神破山登鼓
角巨靈手格鰲足撐松間立馬石間憇使君一頓波頭平魚潛
鳥翔張廣樂巖吞穴吐聞碎甸南音北音亦間作太叩小叩斯
兼并人生有情不襪塊世上無物非生成嵌空忽俯英雄相英雄
披薛欲變琉璃睛老人咳笑尚未寂雲霄磔磔猶和鳴行來
聲確坐倚側地若空洞天開壘是於一隅隘所託亦傳千載仍
其名闕茫江漲雨乍足漁歌梵唱風方輕新詩爲訪髯翁蹟鄴
元李泐何敢爭青琅勒就崖腹裂白沙捧出冰壺清御開勝事

傳來幸畫舫一去滄波迎

貞女歌

爲書舉賢聘妻沈氏作

沈廷獻

修纜銀瓶墜絲繩玉簪折哀我深閨女肝腸盡是鐵幼爲良家
女長作名門婦一身未分明夫命等朝露夫朝露兮可奈何聞
訃奔喪涕滂沱夫如浩波去不返妾如井水誓不波誰謂妾無
夫夫死黃泉夫有姑誰謂妾無子承祧有人夫不死妾父生我
時命名同寒菊甘心不與春爭顏獨抱寒香老空谷吁嗟乎黃
姑織女時相見東飛伯勞西飛燕願作天邊比翼鳥欲飛便已
棄中道願爲人間連理枝春風春雨太差池吾宗有靈問氣積

特爲此女一發之可憐此女立志高下視塵世如鴻毛一生未
着嫁時服九壤何時夢大刀孤寒總帳幾春秋寂寞紅顏自白
頭古今名媛知多少信是彤管第一流彤管賞標青史裡本不
爲名名自起世間若有此鬚眉便是忠臣與孝子

由湖口至樟樹鎮經陽明先生善師處

彭錫璜

古鎮橫江江水闊水底蛟鼉時出沒文成當日建殊勳龍驤樓
船從此發宸濠謀逆方興師次日公幾途遇之亟棄官船匿漁
舫臨江吉安沼塘馳火牌號令百十事竟夜飛出無人知亂軍
上薄皖江口公屯樟樹作細柳先機早請領兵符假以便宜今

大正月記 卷二十九 夢
得手腕急不須救直搗洪都巢敵驚定返顧我以逸待勞黃家
渡連八字腦掀天殺氣風雲塵陣排雪練十二哨陰藏膏荻四
十艘陽燄燦星化黑霧烈焰蒸血翻紅濤巨首旣已入網罟凡
鱗安所逃烹魚出其不意有神助妖氛疾掃如燎毛公之用兵
機變速公之鍊兵紀律肅不然何以前此平贛平廣平淵頭飛
將軍來齊破竹朝廷欲爭將帥功六師掛印稱元戎若非道力
一旋轉宵小釀禍無終窮寵辱不驚誠堅卓戰危愈追神從容
康濟本從賢聖出理學自見精靈通客舟過鎮泊烟市勝國遺
事談村翁長江已息鯨鯢浪大樹猶颺旌旗風

廬阜朝嵐

曹加鎰

萬壘廬峰聳翠隈悠然曉望畫圖開
櫺窗面面皆軒敞好放嵐
光入座來

鐘聲報曉

曹加鎰

何處鍾聲到枕邊
發人深省不成眠
小樓起坐簾初捲
月落星殘欲曙天

周東堂潘蕢浦周六亭吳香圃肄業莽蓬寺余過訪之同

遊花峰

廖泰清

小蝸盤上寺有喬文衣
蝸盤龍藏額古招提橋鎖溪聲咽復漸十指
寺僧已圓寂矣

大正月志 卷二十九 藝文
撤時人去後門前樹木與雲齊

山能卓筆水能號山水中間着四豪魚鳥要空空不得一回相
見總半騷

我來濯足便登山五六人行漂渺間
小記得夢中生羽翼石梁
危登鳥飛還

茅廬傾塌背殘霞兩朵芙蓉大士家
兩峰間有
大士庵破衲迎門羞給

客香捨隨意點新茶

雲頭矗立聳了偏張口吹噓氣接天十二重樓何處是西風岩

畔
大尖下有
西風岩覓飛仙

招遊岸幘且談經會向山神發性靈長嘯一聲風起谷石牛
石

在兩
峰間回首草青青

松陰滿徑路重過馬跡棋枰帶薜蘿
古跡在
小尖下翹首翻疑長劍在

寒光漠漠手曾摩

蒼茫盡處是天根水遠山長共暮春君向山南我山北聞鐘俱
是到家人

檀道濟墓 在邑小鳳山

崔壁

萬里長城一土邱千年遺恨白符鳩魏人已自憐吳子宋主空
聞歎石頭誰把衣衾藏刺史竟無碑版認江州樵歌日暮四山

起猶想當年夜唱籌

上鐘觀音巖同余別齋分韻

崔壁

危石擎天起奔濤潑岸洗岩形將覆閣水勢竟平樓困殿牛筋
古松窻鶴夢幽憑欄無限意極目遠山秋

南湖堤上

王賡言

長堤一帶接平蕪隔岸青青柳萬株却怪多情白司馬南湖不
築築西湖

坡郭樓臺乍有無芙蓉倒影入冰壺誰將烟雨空濛景畫個東
坡戴笠圖

射蛟浦

喻文恭

漢高起亭長斬蛇驪廡秦數傳孝武帝雄心規八寅封禪地方
岳雲罕臨江潰至今射蛟處急浪排蒼垠不見羨門葦一去乘
鸞輪神魚託海上覆轍難具論傷哉白帝子只如赤帝孫近望
羽章館遠眺司空原元封事已去倚棹傷心魂

遊下鐘山重書蘇記并賦詩

翁方綱

誰將屐齒記青苔七百餘年舊夢迴片石重留蘇子蹟扁舟又
得蜀人來羽衣吹笛千山響廬岳蒼顏一笑開明月低空還識
我巖前飛湧墨花堆

梧桐寺

陳樹華

石路何公築，祁門自此行。兩庵分上下，一嶺界湖彭。白法忙中想，倩言靜處生。梧桐期引鳳，誰爲錫嘉名。

庚申花朝後三日，星渚試竣，擬蠟展匡山，因霖雨不得登。

遂按湓城，歷庾樓於上，已日抵彭蠡之口，覽上鐘下鐘。

二山與同人別，蘄搜秘作長歌以誌勝。吳 烜

昔我遊黔中，洞躡飛雲排虛空。石骨削垂儼列畫，靈境詭譎欲還胸。又嘗遊嶺南，飛來峰下停征帆。重巒曉帆銀練渴，空谷餘衍怪石嵌。今復持節來江右，放眼名山重回首。匡廬石梁不可

登上已，乘輶憩湖口，隔岸遙聞石鐘山。山峰參差落照間，湖水森森拍城角。百雉森立萬笏環，上鐘下鐘左右列。下鐘山石更奇絕，濟河噉屐尋其崖。搜剔古篆與殘碣，仰視層霄俯重淵。雲根地肺相鈎連，是時風恬波如掌，鏗鉦鞀鞀聲寂然。但見峰獨者，蜀屬者嶂，或凹或凸，累千百。剔空萬竅，削不成水色。天光透石隙，絳蘇有記碑，有亭獨恨繪聲不繪形。我今長歌求其似，白雲穿破碧瓏玲。

庚午四月以事至湖口，周樸巖理軒，昆季邀同王別駕，複田讌飲懷蘇亭，卽席賦謝。

方 體

五老峰前左蠡湖水圍四野雲烟鋪天公點染看山處雙鐘白
起山亭孤山骨欲奇勢飛動秀掛廬岳驕麤巫嵌空鮮駁見層
疊欲落不落波縈紆湖光激澗風欲起石鯨鱗甲森睢盱橫截
岷江別章穎要使清濁由殊途六年三過今一到快意欲借雲
梯扶肩侯更有濟勝具跬步能署酒百壺懷蘇亭上一矯首眼
底廓廓無天吳蒼茫雲水洗青碧人間刺綆胸全無須臾月出
太白墮江盞漁火明菰蒲側身巖竇展清眺但覺塵世如穢糝
洞庭張樂未足擬岳陽三醉真吾徒半世虛名窮不療折腰五
斗何爲乎安得愚公移片石一日再拜從歌呼

宿天池寺

方體

夜宿招提頂神僊望有羣手攜山礪月身坐海天雲浩浩龍吟
起茫茫岳色分瀑聲喧萬壑何處覓匡君

凌虛臺望月

方體

蝸裏乾坤大誰知佛界寬三清孤塔迴一氣九州盤山鬼驚秋
月僊人跨彩鸞瀛洲應不遠霜露滿空壇

江州懷古

方體

岷漢滔滔此上遊名藩曾鎮十三州誰將霸氣銷殘壘總坐清
談作勝流落日銜山明郢樹西風吹浪走吳洲五年不敢登樓

賦幾度秋懷綆不收

百雉城頭隱畫樓何人重憶度江州少開幕府收兄策老復中原藉子謀雲變蒼梧風馬急月明金井夜烏愁只緣老子餘清興錯把污塵此地留

忽報西風井浪生短筇閒共海鷗盟漫將豪傑推孫策誰識屠沽有灌嬰何處狂生登廣武更無健筆賦蕪城可憐雪浪如頭白慷慨題詩擬步兵

百道樓船鼓浪東龍拏虎擲鬪蝸中兵移左蠡摩殘壘天遣靈龜角兩雄巢卵已墜留月塚江花無主傍

王宮河陽父老然相望唱罷流歌一局空

花峰吟

潘 璣

我家花峰路幾里花峰對我情無已層巒疊嶽列廳裏朝浮青烟暮浮紫花峰之秀旁無擬高聳入天不盈咫兩尖矗雲錐破紙上挂月色近可視五祖四祖隔江汜大孤小孤對蠡水西峰仙遊剩遺址盤松立石空旂旄遠古之寺歎觀止久聞花峰虵虎相接趾爪牙銛利人怖死惜不爲文令移徙又聞花峰神山踞巖巖石碎對棋七日耳恨不從之濯鄙俚吁嗟好友歸來只何爲乎近舍東家愛彼美願君臥遊據床第更與朝來搯頰齒欬吐珠玉如薏苡翻騰海岳比備僂開擴心胸澆醜醜仰觀俯

大正尺志 卷二十九
歐旁揮指焉知崑嶽與崑崙

祝椿得陽公暇偶坐琵琶亭追憶司馬青衫故事因賦短

句時乾隆壬子上巳日也

陳大文

滄浦清秋月歌聲聞水聲商人何忍別司馬最多情大小珠圓
轉東西舫送迎常教善才服第一是成名

欲上江亭去新持使節來清輝波映月仙樂酒浮杯此地寧淪
落中流偶溯洄高吟追白傅九疊仰崔嵬

游五老峰道中望三疊泉

潘錦江

振袂凌秋嵐共踐登高約初行氣尚豪耽此山水樂危崑忽軒

蒼三面了無着目眩難久留翻恐坤軸崩遙見新瀑飛岩噴鬱
迴薄何年纜冰蠶千絲散參錯不然天孫機下與織地絡怪石
亦何雄爪牙奮攫仰賜素練垂奔騰快羈縶束以玉川門千
秋秘重鑰厓轉一徑絕步前意且却同遊互推挽橫行類郭索
越礪然松脂茗香煮泉脚險出如夢醒驚定還對酌臨危念垂
堂從茲釋雲屨

靜因寺

張清

靜宇開初地祗林繞稠阿殘花鶯自嚙嫩草綠經過倦借禪僧
榻閒聽牧豎歌幽棲何處好只此耐婆娑

琵琶亭

張庚奏

白髮孤舟寄青衫，司馬心東臯千石黍。漫叟一溪琴，風滿潯陽
湖。烟生浦口深，匡廬猶在望。風月傍誰尋。

鎖江樓

李尚清

楚水沆漭漸入吳，層樓重影塔峰孤。憑欄目送時千里，不識長
江鎖住無。

烟水亭

李尚清

烟生波正濶，風細野還虛。村曲斜飛燕，羣兒裸捕魚。隨竿須上
下，種柳莫躊躇。近幽人室，浮家恐不如。

過北禪寺

釋戒顯

寺隱黃峰麓，誰知仄徑通。足窮樵子宅，心喜梵王宮。怪石雕鏤
古，奇文繪篆工。夜深鐘磬寂，兀坐萬緣空。

登五老峰

釋慶宜

萬壑千岩寺，不了花不成。花鳥不鳥太，虛塵點本彌。綸日月繞
生天地小。

淵明舊居懷古

黃啟昌

栗里成荒徑，柴桑問舊居。撫松堪嘯傲，種秫問耕鋤。嗜欲非耽
酒，窮年益著書。我來探往跡，懷古獨欷歔。

訪仙亭

柳文彬

石壁停幽鳥，慇懃訪列仙。從龍成往事，跨鶴感當年。寺鎖誰招隱，亭虛更集賢。有懷艱一腊，翹首白雲天。

賦經樓

潘錦江

依然龍洞慈雲繞，繡袂牙籤半劫灰。四十二函未展當年卷，護紫裘來。

九江阻風宿普潤庵作

葉封

宿舸依蘆葦，尋僧到薜蘿。清鐘驚夢切，白髮奈愁何。輾轉移亦枕，牢騷付浩歌。千秋司馬淚，須爲別離多。

石頭巷

文存彖

向人每自喜談禪，面壁深山不計年。洞口泉流無晝夜，峰腰石臥有因緣。鐘聲幾度敲鴉醒，月影三更伴客眠。老衲何須重說法，點頭早悟是真詮。

過小孤山

汪朝

突兀攔磯出，孤峰扼巨流。風聲生絕壁，水勢入飛樓。客自三更返，烟橫一棹秋。江神如有贈，瓊珮付波頭。

義卒行

廖泰珍

嘉慶元年賊匪據當陽，檄調江西九江兵陳天桂之兒。

名在焉。瀕行桂詣轅請代都府壯而允之。因作義卒行
兄行軍第請代總戎嘉之。成其愛推讓。旣傳行道。慨義特邁乎
義門。義兄爲長嗣。兄婚有期。甘旨賴嗣。續資兄其休矣。弟願代
之居行。同是慰親。思戎行家事各努力。此別那須增歎。欲君不
見。遇盜爭戮。姜季江見危授馬。秦姚良血性至處。無頽唐裝馬
提刀出里閭。慷慨已無狐跳梁。紫荆花正發。鶴鶴原上啼。我亦
意氣摩空凌雲飛。嗟嗟手足秦越不復恥。趨利紛紛何足數。行
且愧殺讀書子。

訪登山園故址

廖泰珍

勝國丁未造亂危懔多故。乾坤莽杞榛墟。落曠旅寓。偉哉趙嗣
遑落落存舊圃。憶昔慣時艱。詎耽邱壑。趣築園名。巒山欲學陶

公步中有木筆齋。是會著書處。退思放眼樓。孤忠感時務。

園有放眼樓

登則一
城盡見

節概嗒嗒。嗒嗒氣骨。鶴軒嘉臺。郎抗談兵。堂長屏左。願

志存効驅場。不憚毀家赴

石谷起復天津。遇黃雷岸南。遷開國事不可爲。激昂赴闕。貽書家中。破產

得萬金解
都助餉

遠想趙宋亡。廬陵足心慕。國事不可爲。臣力敢暇豫

所慮貽君憂。豈有見敵懼。當道厄豺狼。野錄踵謬誤。廷弼稍異

同銜寬。一遭過紛紜。南渡促申辨。猶抗疏朝更史。多失眞跡。有

誰著宏光時有朝士辨石
谷逗留之寃甚詳

側聞左兵沸。且爲茲園護。彈鳥托喬

林護庇不知數

左兵屠城日城內惟趙宅獨無
驚毀居民匿此者盡獲生全

丈夫不生還

際園中樹天地有盡期園詎能久固興廢亦無端成敗竟奚據

祇今時代更林石散狐兔老叟間種蔬高話趙氏住頽垣桃李

花開落春幾度金谷卸繁華平泉足烟霧悄然弔遺徽躑躅南

城路

烟水亭卽事

時呂祖仙
令祠落成

廖泰珍

悠悠風月到今無點綴重闢古畫圖總說神山居海國誰知幽
境在塵區景星不獨懸當代仙吏多應戀此湖更上五賢高閣
望雲屏九疊插珊瑚

小孤山梳粧亭

周世業

片石生成瘦且尖一亭峰頂貯香奩曉粧天際雲堆髻夜櫛江
心月吐蟾夾岸好山青入坐沿堤嫩柳翠侵簾明明色相皆空
幻浪靜風恬裊畫簷

遊高良寺

羅輝藻

西來秀色峻摩天複嶺重巒繞寺前半畝池涵千岫月數椽堂
納萬峰烟蒼松未老龍鱗密翠竹經秋鳳實圓曾記披襟舒蕩
眺乘風直上紫雲巔

族同年涵萬九歲尊人遠遊自乾隆庚寅至戊申凡十九

年自乙未至戊申不得音信者十四年涵萬遽欲徃尋
不知所在日夜銜恤前年有自清江浦來者見之且傳
口信云云明年涵萬走一千七百里親見乃父於清江
浦買舟載還年七十一矣鬚髯略白顏色不甚老人皆
詫異昔朱壽昌少不知母所在刺血寫經求之五十年
得之蜀中蘇文忠公賀以詩余以涵萬爲同宗又同年
其可以無言又吾父與君父生同年遠行者來歸長逝
者不起賀涵萬所以自傷乾隆五十有四年己酉夏四
月二十九日序是詩作於二十八日爲先妣生忌日

李嘉玉

生兒墮地母不乳兒生母死母兮苦

君母產君
兒身卽死

兒生有母如無

母兒之有者僅有父兒髮方鬢父遠別離二十年來其有無

不可知東西南北尋何之既不使兒有母又不使兒有父世間

真有無母無父兒客來歎戶見兒父於清江浦不得手中書寄

得口中語阿京長大知幾許聽不畢語淚如雨走千七百里見

父顏且喜且驚不能宣會是天上落會是夢中看布帆無恙載

來父父子相團圓我時聞之賀且喜我正見之悲不止我父

爾父生同年在時顏色不殊然爾今有父我父死死者黃泉直

不起

琵琶亭

廣惠

少時買得長慶集手攜一卷當軒讀卷中讀到琵琶行西風蕭
蕭下庭木如聞大絃小絃拉襍一齊彈其聲變徵其節促我聞
太傅不僅稱詩人長安十首秦中吟下筆往往憂黎民如何纔
聽琵琶一曲响未歇便覺滿紙填悲咽爾嫁商人自販茶我是
潯陽官送客相逢何事獨關情與教淚濕江心月大抵唐人積
習偏每以出守爲左遷柳州欲以柳易播動稱友誼高雲天封
川元九不得意無怪江州司馬同病還相憐不知內外皆王臣

朝官牧宰亦等倫時清嶺嶠罷兵燧秋高關塞無風塵劍茲盈
城實樂土城樓高插江之濤匡廬雲氣盪青冥彭蠡湖光瀉秋
雨馬脊羊腸斷續間大小雙姑露眉嫵先生五柳自當門太守
九江還渡虎遍地桑麻十萬家春賽西成樂歌舞此亭亦復占
郊垌客到猶傳舊日名畫棟雕甍幾興廢浦雲江樹尚空青最
愛垂楊種幾株春陰水綠模糊紅欄面面凌波曲青幕層層
照水隅玉女窺窻鶯宿燕將軍下馬亂飛鳧可比連山還負海
直通百粵與三吳我銜

帝命來薊北兩年謬建洪都節錦纜牙檣泊作圖荳蔻荷葉連

城陌偶攜賓從一來過風景當前吟不得有時皓月飛長空人在水壺玉鑑中舉杯邀月落杯底老鴉夜唳橫江東有時陰靈蔽白日狂風駕浪高如屋九派江流動地來長蛟舞向樽前出此景年年暮復朝此情暇日自逍遙並無往事傷民隱那用官情感寂寥錢板銅琵琶人度曲吳歛楚艷客吹簫請借琵琶抹復挑願隨鼓吹入風謠嗚呼白傅之詩乃如此元和到底非熙碑欲知人心哀樂有時異試問亭前千頃萬頃之江濤

九日同廉訪玉賜山登小孤山用芸臺中丞壁間韻

住蘭祐

千仞崇岡萬里流孤峰界破一天秋近依廬嶽窺真面遙控潯江湖上游花爲重陽開水榭人來絕頂俯山樓從今彭蠡棠陰遍星使他年也繫舟

李孝婦詞

并序

朱榮

孝婦姓周氏瑞昌李公聯璧之黑也乾隆戊子隨夫養姑於直隸成安縣署署夜火炎燭方熾孝婦入室扶姑出身殉於火嘉慶丁丑余守潯陽修葺郡志其子倬雲持傳來謁并乞紀以詩余慨然思昔者范蔚宗以哲婦隆家人之道貞女亮明白之節者皆綜成其事述爲列

女篇况孝而烈如周者乎既編入志復綴以詞

於錄

皇清乾隆戊子日在營室月離娥訾成安天災官牙火燬孝婦
殉姑遂以身死一解或曰謠語或曰出出衝風激揚元烟肆逸

或慄慄以僮或偃偃若失或擇音而走遠或褰裳而趨吉二解

婦曰吾何走火及君母婦曰吾何趨君母其痛三解炎炎者火

烈烈者風入門呼姑僮不知其恫四解烈烈者風炎炎者火繞

屋扶姑蹇不知其可五解偕我夫子掖姑以趨姑而可全何惜

乎吾軀六解夫子前行負姑而走姑而可全遺恤乎我後七解

姑既生矣婦目暝矣燎髮灼膚毀婦形矣八解婦目暝矣婦身

殉矣設旒飾轎從姑殯矣九解昔聞劉殷火感趙瑋今茲不帛

婦罹其殃十解哀哀老婦莫或救之悠悠蒼天罔克佑之十一解

人非金石孰能永固或云而存或植而誤十二解視此孝婦遇變

不渝其旌爾門其表爾閭十三解我

皇孝治微顯陋揚匹婦匹夫罔有不臧我今作頌以示周行廬

山巖巖江水湯湯亮彼士女其懷芬芳十四解黃昏古巖巖

雨中遊圓通寺

朱 榮

白雲迷野徑戴笠叩禪關積潦殘碑沒當門一鉢閒怒雷開瀑

九江府志 卷三十九 書三
布潑墨失廬山夜話亭猶在蓮師何日還

湖口縣

朱榮

層巒擁翠絕躋攀橫枕江流如帶環山勢成城留古鎮湖光排
闕接雄關女牆斜補迴峯處佛閣高懸峭壁間策馬陶公祠下
過輸他衰柳有餘閒

己卯四月予將移守信州述懷八首留別潯陽士民

朱榮

風塵誰証去來因江海茫茫著此身客夢已隨流水遠吾儕合
與好山親劫劫空六代留雄鎮地接三吳扼要津郡守未能成吏
隱輸將佳勝付居民

白社周旋四載餘漸諧風土若家居某山某水吾能說一壑一
邱殊自如花圃引泉兼灌菜訟庭留吏待鈔書殷勤問字憐兒
女不放經帷午課疎

此邦勤儉古風存老守江鄉桑梓導城裏人家皆稼圃山中生
計足雞豚荒郊野燒明諸嶺落日炊煙畫遠却忽指筍輿橋上
過使君銀屐到柴門

育嬰堂並讀書堂 郡城新立育嬰堂及義學 咏嘆心情未敢忘視爾黃童皆

可教抱來赤子總如傷好將民事爲家事自是心香勝佛香寄

語同寅慈父母無邊生意箇中藏

風簷結習未能除聊與經生辨魯魚
鑠院論文還贈句到門投
紙爲求書從知好事真過我
每待言詩一起予鹿洞濂溪遺教
在諸君慎勿飾虛車

飲食何緣訟獄生愧無治術靖紛爭
哀矜一語真仁厚約法三章最簡明
鬼蜮漸消民可見冰澗自矢志堪盟
從今雀鼠歸烏有板屋茅檐夢亦清

當門林立萬芙蓉三笑溪前五老峯
天外白雲攜兩袖巖頭飛瀑挂瓊
龍陶公俎豆餘衰柳白傳風流問古
松

香山草堂
尚存古松

僧飯最宜饒太守貧簪萬个貯吾胸

廬山筍味絕佳
山僧嘗以餽客

大江九派水彎環城上高樓擁翠鬟

署後庠後面江枕
山爲潯陽名勝

欲弔興

亡千古近只談風月一官閒樹因歷劫存孤幹

樓前有古槐一
株相傳爲晉時

物齋爲分雲補半間

郡署東齋新增一楹
題爲分雲半間房

後夜相思應轉劇一

杯亭外望廬山

九江府志卷三十

紀事

詳異

史事

軼事

自方輿建置遞及人物藝文犂然並書旣詳哉言之已願
天時地氣其呈祥獻瑞固表珍符卽愆伏災祲亦助修省
厥有顯道豈等誌怪若潯郡爲歷朝重鎮每當有事鎮馬
金戈樓船戰艦上下衝突扼吭爭鋒具載史冊雖身際治
平而以古爲鑑亦足以有備無患至其軼時時見於他說
或義開勸懲或事資風雅取附卷末庶披閱者如往來巖
廊廣廈之後旁涉蘿逕莎汀之趣不亦快歎志紀事

祥異

漢

高祖六年灌嬰築城湓浦口建安中孫權經住此城自標作井地遂得故井中有銘石云漢六月穎陰侯開此井上云三百年塞塞後不度百年當爲應運者所開權見銘欣悅以爲己瑞廬山崇聖院生芝九本荆江二州界竹生實如麥

光武建武二十四年九江虎傷人飛蝗徧野宋均爲守虎北渡蝗悉出境

後主建興九年十月江陽至江州有鳥從江南飛渡江北不能

達墮水死者以千計

東晉

顯宗咸和四年廬山西大巖崩

烈宗太元六年大水飛蝗從南來集江州界害苗稼

十一年八月白鳥集江州寺庭羣鳥茹衛

南宋

太祖元嘉十七年十月潯陽宏農祐幾湖芙蓉連理

二十四年三月潯陽甘露降四月又降

二十八年木連理生柴桑七月潯陽柴桑菽粟旅生瀰漫原野

大江所志 卷三十一 雜事 二
世祖大明元年四月白雀見潯陽五年五月又兩見

南齊

太祖建元初延陵季子廟井內浮木簡長尺廣二寸有字隱起曰廬山道士張陵拜謁木堅白字黃

南梁

高祖太清三年七月九月大饑人相食

南陳

世祖天嘉五年正月江州湓城火燒死三百餘人

唐

元宗天寶末有韋長史虛舟寓於廬山瀑布泉時夏月多雨見瀑布之中流出一桃葉闊五寸長一尺二寸

代宗大歷七年二月江州江溢

憲宗元和九年大水害稼

宋

太祖建隆二年湖口邑前沙洲忽圓明年邑人馬適狀元及第太宗淳化元年六月江州水溢二丈八尺

眞宗大中祥符四年四月瑞昌縣民季讓家笙竹一本去地五尺許分爲二莖知州范應辰以聞七月江州水漲害民田壞州

九江府志 卷二十一 雜事

城江州知軍州王文震獻芝草
高宗紹興初朱勝非出守江州過梁山龍入其舟纜長數寸赤
背綠腹白尾黑爪甲目有光四年江州水

二十五年湖口縣赤龍橫水中如山寒風怒濤覆舟數十溺死

者眾

二十七年大水

孝宗乾道七年江州自夏迄冬不雨八年江州饑人民采葛而
食詔罷守臣章曄是年柴桑陶委天家樹連理

淳熙二年馬當山羣狐掠人

七年自七月不雨至於九月秋螟八月大旱饑

十四年五月旱至於九月秋螟

慶元元年五月九江大雨五晝夜江流暴溢雞犬畜產悉皆漂
蕩

嘉定七年正月庚辰放燈黑雲起暴風忽作遊人相踐死者甚

眾

十七年冬暴風壞戰艘數十

元

成宗大德十年正月湖口縣民方丙妻一產四男

武宗至大二年江州水民饑詔賑糧

仁宗元年江州路水發廩賑

英宗至治元年四月江州霖雨

泰定帝泰二年二月江州饑

文宗二年江州諸縣饑總管王大中貸富粟以賑貧民而免富
雜徭以爲息約年豐還之是歲也饑而不害

順帝元統二年江州饑

明

英帝正統十四年湖口上鍾石裂蘇軾記石刻仆於水

憲宗成化元年六月暴風府城屋瓦皆飛

二年小孤北岸崩三里餘壞民居數百

十六年六月湖口縣上鐘山石崩

十七年彭澤水疫民死甚眾秋德安大水崩山改川

孝宗宏治元年廬山芝草盛生有一本十餘莖者

四年六月雹大如雞子

十五年虎入市廬山東林寺至圓通寺傷百餘人

十七年六月廬山有聲隆隆鳴三日夜又驟風震電晦冥大雨
如注平地水高丈餘蛟出無算石崩數十處

武宗正德九年八月朔日食既晝星見雞犬鳴吠

十四年春地震府城黑氣彌月遠視如煙罩然六月宸濠遣賊陷城

十五年九月暴風龍開河小港女兒港壞舟數百溺死商人無算

世宗嘉靖元年大水九月德安縣地震有聲如雷

五年正月赤氣橫境是年旱井泉皆涸五月德化虎入市

十二年五月德安大水舟行市本年復旱

二十年四月德安雨雹大風拔樹

二十三年夏四月不雨至秋九月

二十四年大饑七月雨雹

二十九年五月五老峯下出蛟以數百計

三十年春山南北虎多羣行又有獸似虎而大毛披拂體如馬鼠喙尖削與虎異蓋彪也二日而殺十七人

穆宗隆慶五年十月夜半天鼓三鳴

六年德化封郭三洲大水彭澤大雨雹

神宗萬歷元年四月朔日食既晝晦秋德安洪水驟漲漂鄉市

十二年彭澤塌毛洲地出火焚烈有聲投薪卽炎七日夜乃滅

十六年大旱

十七年大饑次年仍饑知縣謝廷訓截船糶米饑而不害

二十年至天啓三年桑落洲岸崩十餘里壞民居無數遷徙不定民苦之

三十六年大水城中水深數尺以舟楫往來

三十九年四十年四十一年大水嚙隄

四十二年廬山蛟出不次有虎入天池寺傷數僧

四十三年羣鼠渡江而南食禾廬山東林寺白蓮復生

四十六年四月昏流星西墜大而冇聲

四十七年德化馬回嶺連理木生湖口曹文野一妻十二男

光宗泰昌元年秋辰星不見

熹宗天啓元年正月大雪四十日虎獸多飢死

二年秋蛟出太平宮嶺毀宮角圯橋奔沙數里

三年五月大雨雹六月朔瑞昌華嶺山崩塞水口其故地遂爲深淵有巨魚游泳人皆見之七月癸亥入守斗口九月乃退八

月太白入月蝕十二月太白晝東見

四年正月日漾如溶初赤旣白如月

六年鄉民邵本進妻趙氏一產三男

懷宗崇禎元年十月江魚池魚皆凍死

二年十月夜大風拔木折屋覆舟

四年七月地震八月大風拔木牆垣皆頽九月夜天鼓鳴十月
夜地震

七年三月地大震

九年大旱

十年十月日食晝晦二時雞犬奔吠

十二年大旱知縣李正春發廩賑

十六年賊破湖廣浮屍蔽江水爲之不流有異鳥叢集江州

林遍覆大如鴛鴦通體俱白途兆左良玉陷江州屠戮焚燬之
變

國朝

順治元年廬山太乙觀芝生九本

三年大旱米價湧貴石值六兩人民死者甚眾

五年江西總兵金聲桓王德仁叛陷九江征南將軍譚太討平

之

六年正月十一日晝晦如夜

八年虎入湖口城

九年三月夜地震有聲夏旱

十二年湖口鄉民李茂華妻謝氏一產三男

十八年六月府城西門外火災燬屋九百三十六家男婦老幼
焚死二百餘人避火入水溺死者百餘人

康熙元年大旱百餘日

二年大水潰隄數處禾黍盡沒

三年十月彗星見於西南月餘乃散

七年六月夜地震有聲五邑皆同秋七月廬山蛟龍逼起水沒
僧民七八十人壓田千頃僧舍民房不計其數十月夜流星起

於東北轟然有聲光芒閃爍如炬

八年旱知府陳謙德化知縣張康午請蠲是歲羣虎食人

十年五月不雨至十二月始雪泉澗皆枯道壅相望民鬻子女
者無算流亡者十之七知府江殷道甫下車委官各廟觀煮粥
全活老幼數萬人藩司劉公親賚帑金遍賑

十五年六月景星湖夜半放光數十炷每一光起漸漸瑩映如
玉高至六七尺乃散

十九年十月長星見西方如練起女虛入奎凡四十餘日

二十年八月彭澤地震有聲十月彗星東西竟天彌月乃散

二十一年八月彗星見於角次於房經月乃滅

二十四年大風折木城內石坊多頽民廬傾者無算

二十九年九月瑞昌地震自北而南轟轟有聲十月德安地震

有聲如雷

三十一年大水嘯隄

三十三年夏大旱

三十三年大水封郭二洲隄潰禾黍盡漂德化知縣甯維邦覓

徵捐賑二鄉饑而不害

三十九年二月瑞昌地震

四十七年夏大水秋旱穀米騰貴時知府朱儼署糧道彖德化知縣張近光備情上請因運糧米壹千二百石於潯減價出糶又設粥廠二所一在鈔關舊署一在江北關聖廟五邑俱設廠施粥全活甚眾

五十一年瑞昌大有年

五十三年虎入市文武官率兵民殺之被傷者三人

五十四年冬湖口江凍舟楫不通米價湧貴

五十五年夏大水湖邑舟達治廳

五十七年元日雨冰厚數尺竹木摧折鳥獸凍死

六十一年二月雨雹大如桃李

雍正四年夏大水冬始退十二月湖口地震

五年三月大雪秧種俱壞穀價湧貴巡道劉均乞糴川湖減價
出糴存活甚眾秋大有年

六年四月雨五穀如火炙狀內有木棉桃大如豌豆八月湖口
積田產瑞禾一莖四穗是歲大有年

十年秋七月德安安福太平等十七堡山水陡發被災者共四
百九十九戶漂屋九百一十八間男女大小溺死五名巡撫謝
旻題請賑銀八百一十六兩

乾隆元年大有年

八年正月苦雨穀價昂貴人或掘土而食巡撫陳宏謀乞糴川
省存活甚眾三月苦竹生實如米

十一年三月大雨雹

十五年四月彭澤大雨雹重有三十餘觔者
十七年春苦雨米價騰貴巡撫鄂 題請發賑

十九年大有年

二十一年大水湖口知縣郭承縉以洲民被水斗米三錢詳借
關義倉穀照社穀例秋成加一息交倉

二十四年秋七月彭澤金剛料大雨雹捐傷棉苗

二十九年大水歷所未有德化湖口彭澤詳請借給籽種彭澤知縣潘廷颺向鄉城富戶勸捐米石散給凡被水者多沾惠焉
三十年彭澤大水

三十一年廬山出蛟大水彭澤知縣高尚禮詳請辦賑

三十二年大水奉文賑濟緩征借給籽種

三十三年三月下雨雹大水多被風拔夏大水民多災疫奉文

賑濟

三十四年

大水十二月彭澤地震五月郡城蛟出延交山水

深數尺城實多圮

三十六年秋冬大旱塘堰俱乾居民淘井丈餘無水或汲數里之外

四十三年夏旱

四十六年夏秋大旱高處田畝無收湖邑散給農民穀

四十八年大水

五十年夏大旱由冬及春大荒石米四兩有奇蕨根楡皮食盡平糶倉穀是年德安大旱赤地無收民食榆蕨并有食土者

五十一年八月夜二更天西南忽裂開丈餘光焰如爐火旋變

黃色繼又白色逾兩時漸收合

五十三年秋大水封郭洲隄潰近居民房坍塌田地無收奉文賑濟并給銀修理房屋錢糧緩徵災甚者蠲免

五十四年瑞昌民周金萬妻陳氏一產三男詳奉題 准

賞給米石布匹

五十七年大水民多疫洲民被患借給籽種

五十八年洲鄉被水借給籽糧

五十九年春荒米價昂貴

六十年彭澤冬春木冰樹枝多折

嘉慶四年六七月蝗蟲入境湖口彭澤禾稼多傷

五年德化民馬復妻吳氏一產三男彌月存活詳奉咨題 賞給米五石布十匹

六年正月大雪平地深數尺大有年

七年夏大旱四越月不雨豆穀無收石米四兩有奇蠲免錢糧十分之一其蠲剩錢糧分作兩年帶徵借給籽種口糧

九年夏連日大雨江湖水漲田多被淹借給籽種口糧無力完者奉文豁免

十一年有年

十二年大有年

十三年大水冬湖口郭家口洲有洞出火燃薪可炊半月息

十四年四月二十六日彭澤雨雹大者如雞卵傷苗稼無數七月大旱夜有紅光似電闊數尺蜿蜒自北而南有聲

十五年大有年湖口鄉民黃疇衍妻秦氏一產三男

十六年五月彭澤十二都株木冲夜二更蛟起山石崩落如雨村舍漂沒無數男女溺斃者十六人知縣秦樹慶捐廉賑濟收尸瘞之有老婦年五十餘隨水漂數里亂石衝撞不死亦異事也是年彗星見光長丈餘自夏初至秋末沒

十七年八月初五日廬山東北九峯一帶拔出三百餘頭田禾

被淹民屋間有損壞尚未成災

十八年夏大水秋冬不雨塘堰皆涸有掘地丈餘不得泉汲水數里外詳准緩徵

十九年正月大凍樹木多折歲歉斗米四百八十文十一月大雪長江皆結厚冰

二十年歲歉同前是年七月十九日廬山龍歸黑龍潭廬山爲棚戶墜荒諸潭龍久不藏九江知府方體德化知縣鄒文炳暨棚戶而廬山草木得以休息未幾黑龍潭龍歸

二十一年二月大雪平地厚數尺夏初彭澤雨雹菜麥無存合

郡大雨彌月洲地低田無收斗米三百八十文湖口八月二十
日鄉民吳紹榮妻時氏年四十五歲初胎一產三男

二十二年正月初五日德安下坦湖蓮花山胡姓塋前有白雉
成羣繞樹飛鳴竟日乃去五月郡西門外趙公橋邊失火延燒
至新街巡道任蘭祐示諭拆屋截救旋即賞恤拆屋之家共銀
九十兩其被火之家知府朱榮捐銀二百餘兩知縣鄒文炳捐
銀百餘兩各加撫恤六月連日大雨德化德安蛟水陡發德化
尤甚白鶴甘泉楚城等鄉沖壞民屋一千餘間沖壓民屯廟七
百餘畝巡道任蘭祐捐恤各窮民銀三百七十餘兩知府朱榮

知縣鄒文炳復各捐銀撫恤又詳請分別緩征豁免錢糧續奉
恩旨被水田畝本年應徵錢糧餘租緩至來年秋後徵收被水
沖壓可以挑復田畝各戶酌借籽種其不能挑

復田畝各戶借
給一月口糧

史事

漢

獻帝建安四年孫策被詔討袁術會術死其妻子及部曲男女
就劉動於皖城動糧少潛軍襲取海昏糧策聞之分遣從兄黃
輔率千人於彭澤待動自與周瑜率二萬人步襲皖城克之
賁輔又於彭澤破動走入楚江

八年孫權征江夏呂範與張昭留守曹操至赤壁與周瑜等拒破之拜範裨將軍領彭澤太守以彭澤柴桑歷陽爲奉邑

十三年吳周瑜操練水軍於郝陽湖會曹操擁兵八十餘萬破荊州下江陵瑜進兵赤壁大破之

晉

武帝咸寧五年分道伐吳太康元年正月王渾出江西克吳尋陽

愍帝建興五年杜弼別將杜宏出海昏隘口騷動周訪步上柴桑偷渡而擊之斬首數百宏敗走

成帝咸和二年十一月蘇峻反三年正月溫嶠起義兵交於尋陽陶侃遣其督護龔登受嶠節度峻攻青溪柵卞壺父子俱死庾亮奔尋陽五月溫嶠以峻罪狀移告征鎮灑淚登舟與陶侃同趨建業討峻斬之

穆宗永和四年熒惑入南斗犯第三星八月入太微斗爲貴相爲揚州熒惑犯之爲兵喪其六年大將軍梁商薨九江丹陽賊周生等反攻沒郡縣

安帝隆安二年七月桓元與殷仲堪楊佺期等舉兵反軍至淞口刺史王淦奔臨川元遣人追獲之旣而桓元求領江荆二州

以桓偉爲江州鎮夏曰桓振等戍淞口

元興元年十月有客星色白如粉絮在太微西至十二月入太微占曰兵入天子庭二年桓元殺元顯以桓石生爲江州詐言江州甘露降十二月篡位辛亥帝蒙塵於江州三年逼帝西上劉裕劉毅何無忌共謀興復元戰敗走尋陽江州刺史郭昶之爲資其兵力器仗具乘輿法物元又逼帝西上以兵守淞口裕等破郭徑何澹之郭昶之於桑落洲進師尋陽毅與劉道規又敗之於崢嶸洲益州督護馮遷斬桓元遂克尋陽帝復位

義熙五年正月江州地震有聲如雷明年盧循反五月劉毅與

循戰於桑落洲毅兵大敗循至淮口中外戒嚴十二月劉裕率眾齊力擊循循敗將趨豫章乃悉力柵斷左里裕等過湖口破柵而進殺溺萬餘人循及徐道覆南走裕遣將軍劉藩等追之明年爲交州刺史杜慧度所斬

南宋

太宗泰始元年十一月江州刺史晉安王子勛舉兵反安陸王子綏尋陽王子房臨海王子瑱皆舉兵同逆二年春正月子勛稱帝於尋陽改元義嘉八月建安王休仁率軍討賊子勛見殺葬於廬山

蒼梧王元徽二年夏五月壬午江州刺史桂陽王休範舉兵攻建康袁粲謂諸將曰孤昔受先帝付託不能緩靖國家請與諸君同死社稷披甲上馬將驅之於是陳顯達引兵出戰大破斬之進平東府臬禽羣賊六月癸卯晉熙王燮遣軍克潯陽江州平

南齊

世祖永明四年蕭頤爲晉熙王燮長史以九江中流可以待敵乃據湓口城爲戰守備于湓城掘塹得大錢曰太平百歲于時城乏水欲引水入城始鑿卽有泉水湧出昇明二年遷江州刺

史

初晉安王子懋以鎮南大將軍江州刺史敕雷西楚部曲助鎮襄陽單將白直夾轂自隨子懋欲將二三千往時征虜陳顯達還朝入別子懋謂之曰殿下苦留部曲便是大違敕旨且此間人亦難收用子懋默然顯達辭出便發去子懋計未立還鎮潯陽延興元年加侍中開都陽隨郡二王見殺欲起兵赴難與參軍周英防閤陸超之議傳檄荆郢入討君側事成則宗廟復安不成猶爲義鬼防閤董僧慧攘袂曰此州雖小孝武亦嘗用之今以勤王之師橫長江指北關以請鬱林之過誰能對之於是

部分兵將入匡社稷母阮在都遣書欲密迎上阮報同產弟于瑤之爲計瑤之告明帝於是戒嚴遣中護軍王元邁平西將軍王廣之南北討使軍主裴叔業與瑤之先襲潯陽聲云郢府司馬子懋知之遣三百人守湓城叔業泝流直上襲湓城子懋先已具船於檣亭渚聞叔業得湓城乃據州自衛子懋部曲多雍土人皆踴躍願奮叔業畏之遣于瑤之說子懋子懋既不出兵攻叔業眾情稍阻中兵參軍于琳之率將四百人子懋以袂障面使人害之

和帝中興元年將軍陳伯之鎮江州梁高祖蕭衍舉兵攻之謂

諸將曰用兵未必須實力所聽威聲耳今加湖之敗

衍先克加湖敗陳虎

牙誰不驚服陳虎牙

伯之子

狼狽奔歸彼問人情理應洵懼江州

可傳檄定也搜囚俘得江州幢主蘇隆之厚賜之使說伯之降而命鄧元起以兵隨其後將至潯陽伯之退保湖口畱其虎牙守湓城及衍至乃束甲請罪

南梁

太宗大寶元年侯景遣任約寇江州約至湓城潯陽王大心出兵戰敗遂以州降巴山人黃法氈有勇力合徒眾保鄉里太守賀詡下江州命法氈監郡事初侯景之起莊鐵降于景復叛之

潯陽王大心遣其將徐嗣徽逆擊破之鐵以單騎還豫章

元帝承聖元年二月王僧辯帥兵發自潯陽常馳檄四方購獲景及同逆者封萬戶開國公絹布五萬匹陳霸先以江州刺史帥師發自豫章次桑落洲時僧辯已發湓城會帝於白茅灣刑牲明約進次大雷軍人杜稜夢雷池君周何神自稱征討大將軍乘朱航陳甲仗下征侯景須臾便還云已殺賊眾果潰于慶自鄱陽還豫章侯瑱閉門拒之慶走江州王僧辯乘勝下湓城陳霸先出南康于慶棄城走

南陳

高祖永定三年五月北江州刺史熊曇朗殺都督周文育舉兵反王琳遣其將常眾愛率兵援余勵六月侯安都敗眾愛等於左里獲琳從弟龔主帥羊暉等四十餘人眾愛遁走廬山山人斬之傳首建業九月周將獨孫盛與賀若敦領兵水陸竝進太尉侯瑱襲破獨孤盛于楊葉洲

彭澤地名

盛登岸築城自保已而司徒侯安都會瑒南拒周師盛潛遁

隋

煬帝大業十二年操師乞僭號改元據豫章以其黨鄱陽人林士宏爲大將軍隋師討之師乞中流矢死而士宏收其眾復戰

彭蠡軍遂大振自稱南越王侍御史鄭大節以九江郡下之臨川廬陵南康今南安宜春之豪傑皆殺其守令以附北盡九江南暨番禺皆為所有

宋

太祖平江南曹翰攻江州刺史謝彥實欲以城降指揮胡則與宋德明等殺彥實為南唐固守既而城陷翰殺胡則屠江州囚載廬山東林寺鐵羅漢五百歸潁川新造佛舍調巨艦數十餘艘載金帛時號押綱羅漢

開寶七年命曹彬等率師伐江南四年進圍金陵南唐李後主

遣使召洪州節度使朱令贇以上江兵入援時令贇將兵十五萬屯潯陽湖口與諸將議曰若前進而北師反據我後則上江阻隔退乏糧道亟為鹵矣乃以書招南都留守劉克貞代鎮湖口克貞以病留令贇亦未進國主累促之令贇以長筏大艦帥水陸諸軍至虎蹲洲與王師遇舟筏俱焚令贇死餘眾皆潰高宗建炎三年逆賊李成犯瑞昌界克炤不可禦忽龍泉白霧滃然四起遮蔽原野旌旗莫辨成兵潰散已岳宣撫飛領兵襲後不戰而勝冬十月金人自黃州渡江劉光世引軍遁知州韓紹棗城走

紹興元年李成叛據江淮造其黨馬進陷江州守臣姚舜明遁去三月呂頤浩遣兵擊李成於湖口大破之

孝宗淳熙三年詔選江州水軍一千人管界江西菱石馬當城子鎮孤山

恭宗德祐元年正月元軍次江州提舉江州興國軍呂師夔與江西安撫使知江州錢真孫以城降伯顏以師夔爲江州守伯顏至湖口繫浮橋以渡風迅水駛橋不能就禱於大孤山神而風息橋成大軍畢濟

元

順帝至正十一年五月盜起河南北據徐蔡南陷蕪黃造船插岸銳意南攻九江居下流貫江東西襟喉之地李總管黼治城濠修器械募丁壯分守要害次年正月賊渡江陷武昌威順王及省城相繼遁走江西大震賊乘勝破瑞昌九江遂不守

二十一年八月劉基請棄安慶徑拔江州傾陳友諒巢穴明太祖從之遂率兵西上長驅過小孤友諒將丁普郎傅友德率所部歸附

二十三年四月陳友諒以兵六十萬破江州攻南昌朱文正等力戰禦之遣千戶張子明告急於京師七月明太祖親帥舟師

二十萬人西援南昌友諒解圍東出鄱湖逆戰過於康郎山徐達迎取其前鋒一巨艘死者千五百人達回守建康常遇春與漢人聯舟而戰俞通海縱火焚敵舟二十餘艘御舟膠於沙漢將張定邊欲犯御舟常遇春射退之水驟湧御舟進俞通海來援常遇春廖永忠以飛舸追定邊定邊身被百餘矢走用郭輿策縱火船焚友諒戰艦數百艘僞王陳友仁陳友貴平章陳普略等皆焚死軍士殺溺死者十數萬人十里之內湖水盡赤廖永忠俞通海趙庸汪興祖以六舸深入搏戰明師乘之大敗欲退保鞋山明師據嬰子口扼之不得出是夕明師泊左蠡相持

三日未決俞通海等言湖水多淺難迴旋若移軍入江據敵上流可以萬全劉基亦請移軍湖口以金木相犯日勝從之八月八日明師移屯南湖嘴江兩岸列若柵布戰艦具火舟火筏中流傳警以俟友諒二十七日友諒糧盡遂沿江下流走楚江欲遞去明師追擊大破之友諒中流矢貫睛及顛而死俘其子善兒平章陳榮以餘眾十萬樓船若干艘其夜張定邊以小舟載友諒尸及其子理奔還武昌

明

武宗正德十四年六月宸濠破九江瑞昌太學生曹鵬陳策吳

守柏集豪士千數破家給鎧甲糧糧固守瑞昌旅進兵克復九江
懷宗崇禎十年流寇張獻忠猖獗陷蕪黃及梅廣諸縣分掠江北至德化鎮小池口遊擊張繩武率兵渡江禦之少過其鋒後寇大至繩武兵寡無援力戰死

十七年三月闖賊陷北京馬士英等立福王於南京先是寧南侯左良玉避流賊鋒往九江關廂且一年巡道葉士彥以大義諷之乃返武昌會監軍御史黃澍與馬士英角詐爲邸報林藏太子詔詔良玉入清君側澍慙恩之次年良玉叛於武昌順流東下至九江勸總督袁繼咸以往繼咸標將郝二連左營四月焚掠九江一空而去所過沿江郡縣皆成赤土屠剽之慘甚於流賊已而良玉氣塞我

朝豫王帥師下江寧克豎夢庚面縛歸誠亂乃定

國朝

順治二年

王師南討闖賊李自成望風而奔至瑞昌羅城山輜重委棄如山婦女遺落數千迷路過堰山棧道如繩險同劔閣下臨深潭人馬驚墜滄溺千餘騎八月德化生員李扶鮮等以起義爲名

聚數千人攻破瑞昌城署知縣事郭之麟死之

考通志云順治乙酉年六月德

化李合初領家起兵狼山連破德安瑞昌未幾合初所屬王拐子私款於我守將將余世忠因襲狼山合初死之與所載李扶鮮異並識於此

五年江西提督金聲桓叛遣其黨王得仁攻陷九江偽署吳高鎮之屬縣皆被其害八月大將軍譚太來討偽鎮逃去

康熙十三年逆藩耿精忠叛於福建徵饒建撫山賊倡亂以應

之烏合甚眾攻劫郡縣破湖口將及彭澤知縣喻良度力不支

聲言往府請兵渡江而北賊遂不守賊劫掠財貨多被其害大

兵旋至逃歸負嵎

軼事

漢光武元封五年東行南巡狩自潯陽浮江親射蛟江中獲之

漢書本紀

漢陸續六歲於九江見袁術出橋續懷三枚去拜辭墮地續曰

欲歸遺母術大奇之

吳志

南州人有遣吏獻犀簪於孫權舟過宮亭廟而乞靈焉神忽下

教曰須爾犀簪吏惶恐不敢答俄而犀簪已列前矣神復下教

曰俟爾至石頭城還爾簪吏遂行自分失簪必死比達石頭城

忽有鯉魚長三尺躍入舟剖之得簪

晉湛方生廬山神仙詩序曰潯陽有廬山者盤基彭蠡之西其
崇標峻極辰光隔輝幽澗澄深積清百仞若乃絕阻重險非人
踪之所遊窈窕沖深常含霞而貯氣真可謂神明之區域列真
之苑囿矣太元十一年有採樵其陽者於時鮮霞寒林傾輝映
岫見一沙門披法服獨在巖中俄頃振裳揮錫凌崖直上排丹
霄而輕舉起九折而一指旣白雲之可乘何帝鄉之足遠哉窮
目蒼蒼絜然滅跡詩曰吸風元圃飲露丹霄室宅五岳賓友松
喬又帆入南湖詩云彭蠡紀三江廬岳主眾阜白沙淨川路青
松蔚巖首此水何時流此山何時有人運互推遷茲器獨長久

悠悠宇宙中古今迭先後

建康小吏曹著爲廬山君迎至廟門下有一大甕可受數百斛
常有風雲出其中廬山君夫人呼其女婉出見容色甚麗著大
悅夫人命婢取琴命婉鼓之婉撫琴而歌曰登廬山兮鬱嗟峨
睇陽風兮拂紫霞招若人兮濯靈波欣良運兮暢雲柯彈鳴琴
兮樂莫過雲龍會兮樂太和歌畢卽趨入廬山君因以女妻著
居頃之著求還婉泣然賦詩爲別贈以織成衫袴祖臺志怪
吳猛經廬山贈山神徐君詩云仰矚列仙館俯察王神宅曠載
暢幽懷傾盞付三益

有估客舟下都者過鞋山見二女子謂曰至都幸爲我買兩輛
絲履估客意其神也至都卽爲市履盛以小筥併置書刀其中
比還至廟薦筥履而去亡其書刀舟方帆忽一鯉躍入剖之得
書與刀

搜神記

顧愷之字虎頭有雪霽望五老峯圖

廬山簡寂觀乃陸修靜之居也觀出苦筍而味反甜歸宗寺造
鹹齏而味反淡山中人語云簡寂觀前甜苦筍歸宗寺裏淡鹹
齏蓋紀實耳張芸叟簡寂觀詩云偃松拂靜煎茶石苦筍撐開
禮斗壇歸宗寺詩云淡齏苦筍千人供清磬華香一谷傳亦正

以紀事

能改齊漫錄

顧保宗字世嗣江夏人也每釣魚江中嘗夏夜於草堂臨戶未
臥忽一人鬚髮皓然自稱爲翁有如漁父直至堂下乃揖保宗
便箕踞而坐唯哭而已保宗曰翁何至不語良久謂保宗曰陸
行甚困言不得速保宗曰翁適何至今何往答曰來自江州復
歸江夏言訖又哭保宗又曰翁非異人乎答曰我實非人以若
閒退故相語保宗曰野人漁釣用釋勞生何閒退之有答曰世
方兵亂閒退何辭保宗曰今世清平亂當何有答曰君不見桓
元之志也保宗因問若是有兵可言歲月否翁曰今不是隆安

五年耶保宋曰是又屈指復哭謂宗曰後年易號復一歲桓元盜國盜國未幾爲卯金所敗保宗曰卯金爲誰答曰君當後識耳言罷復謂保宗曰不及二十稔當見大命變革保宗曰翁遠至何所食答曰請君嘗食保宗因命筆記之翁食訖謂保宗曰今夕奉使須向前江來日平旦幸願觀之又曰百里之中獨我偏異故驗災祥我等是也保宗曰未審此言何以驗之答曰兵甲之兆也言訖乃出保宗送之於戶外乃訣去及曉保宗遂臨江觀之聞水風漸急魚皆出浪極目不知其數觀者相傳首尾百餘里其中有大白魚長百丈驤首四望移時乃沒是歲隆安

五年六月十六日也保宗大異之後二歲改隆安七年爲元興元興二年十一月壬午桓元果篡位三年二月建武將軍劉裕起義兵滅桓元復晉安帝位後十七年晉宋禪代一如漁之所

言九注

記

梁彭城王義康忌檀道濟之功會文帝疾動乃矯詔送廷尉誅之故時人歌曰可憐白符鳩枉殺檀江州當時人痛之蓋如此劉夢得嘗過其墓而悲之曰萬里長城壞荒雲野草秋秣陵多

士女猶唱白符鳩

韻語
秋陽

周昉與商人沂江夕至宮亭廟廟嘗患鬼物爲祟商曰誰能宿

此者昉膳性果決入宿竟夕晏然晨起見有白頭翁擒之化爲
雄鴨還船欲烹之遂飛去後竟無他

述異記

王羲之於九江作書鼎高五尺四面周匝書徧刻之沈於水中

皆真隸書

鼎錄

潯陽城東門通大礮嘗有蛟爲百姓害董奉疏符沈水中少日

見一蛟浮出

舊志

王宏造淵明淵明無履宏從人脫履以給之宏語左右爲彭澤

作履左右請履度淵明卽眾座伸腳及履至著而不疑

續晉陽秋

晉末江州人年百餘歲頭上生角後因舍前江中變爲鯉魚角

尚存首自後時時暫還容貌如平生與子孫飲數日輒去晉亡

絕不復見

廣古今五行記

漁父不知其姓與名太康孫緇爲潯陽太守逍遙渚際見一輕

舟凌波隱顯俄而漁父至神韻蕭灑垂綸長嘯緇問有魚賣乎

漁父笑而答曰其鈞非釣寧賣魚者乎緇遂褰裳涉水謂曰竊

觀先生有道者也何晦用若是漁父曰僕山海狂人不達世務

未辨貧賤無論榮貴乃歌曰竹竿籊籊湖水散散相忘爲樂貪

餌吞鉤非夷非惠聊以忘憂於是鼓棹而去

通志

開元中鄒瑯王昌齡自吳抵京國舟行至馬當山屬風便而舟

人云貴賤至此皆合謁廟以祈風水之安昌齡不能駐亦先有
禱神之備見舟人言乃命使資酒脯紙馬獻於大王兼以一詩
令使者至彼而禱之詩云青馳一匹崑崙牽奉上大王不取錢

直為猛風波裏驟莫怪昌齡不下船

博異記

王子安往交趾省親過馬當宿上元殿殿後有方竹子安欲伐
之夜夢神告曰毋伐竹詰旦當助以神風顯子文名翌辰登舟
風駛自馬當抵洪都迅速間行四百餘里既至作滕王閣序一
座盡驚諺曰時來風送滕王閣本此

芸窗瑣錄

狄文惠公祠前有唐長壽時寶珠山茶花一本至今森茂又

木八章其一向北一面無枝幹自本遶顛若斧劈然相傳創祠

時因植劈柏而生雷陽之竹蓋有先之者矣

彭澤舊志

白樂天嘗煉丹於廬山草堂作飛雲履以元綾為質翦素絹為

雲四面緣飾之染以四選香每振屐颼颼如雲霧嘗著之以示

山中道侶曰吾足下雲生不久且登天府矣

聽人直說

合肥李郎中羣始與楊衙符載等同隱廬山號山中四友

內一人失

名先是封川李相遷閣長會有名郎出牧九江郡者執辭之際

屢以文柄迎賀於公公曰誠如所言廬山處士四人儻能計偕

當以到京先後為齒既而公果主文於是擁旌旗造柴關激之

而笑時三賢膠固惟合肥公年十八巽然曰及其成功一也遂
束書就貢比及京師已鎖貢院乃提院門請引見公問其所止
答云到京時後未遑就館合肥神質瓌秀主司爲之動容因曰
不爲作狀頭便可延於吾廬矣楊衡後因中表盜衡文章及第
詣闕尋其人遂舉亦及第或曰見衡業古調詩其自負者有一
一鶴聲飛上天之句初遇其人頗憤怒旣而問曰一一鶴聲飛
上天在否前人曰此句知君最惜不敢輒偷衡笑曰猶可恕矣
符載後佐李騰爲江西副使失意去從劉闢

唐書

諱景升於終南山著化書出授宋齊邱託序之行世齊邱將酒

灌之沈酒以牛皮裹縫投於江爲漁人所獲剖開見先生麴醕

臥不止喚之入方覺曰宋齊邱奪我化書投我於江因畱詩曰

綫作長江扇作天鞞鞬拋向海東邊蓬萊信道無多地只在譚

生拄杖問遂化風去景升名峭卽紫霄真人也住廬山樓隱洞

臨江府志

江州有寶盈城今不知其處徐陵文云泉流寶盈遙憶益城是
也木蘭洲在潯陽江中昔吳王闔閭植木蘭樹於此用構宮殿

後有木工刻木蘭爲舟故詩家木蘭舟本此

舊志

廬山中有一深潭名落星潭多漁釣者後唐長興中有釣者得

一物頗覺難引迤邐至岸見一物如人狀戴鐵冠積成莓苔裹之意其木則太重意其石則太輕漁者置之潭側後其物上泥滓莓苔爲風雨淋漓忽開兩目則人也歎然而起就潭水盥手礦面漁者驚異其人卽語漁者本處山川土地之名後朝代年月甚詳審問訖却入水中寂無聲迹

舊志

南唐胡則守江州堅壁不下曹翰攻之危急忽有旋風吹片紙陰城中有詩曰由來秉節世無雙獨守孤城死不降何似知幾早回首免教流血滿長江後城陷屠殺大盡

江表志

淳熙十四年江州民謝生老母病不肯服藥以夏月思生柑不

啻飢渴謝搏手無策家有小園種此菓乃夜拜樹下膝爲之穿裂詰旦已纍結丹實數顆跪摘以奉母食之痼疾遂瘳聞者傳爲孝感遠近士大夫爭賦詩詞歌誦其美目曰靈柑詩軸

德化

舊志

彭澤有鳥接丸行者丸飯投之高下無失潯陽記謂孤山有鳥

接食常逐客舟卽指此

張勃吳錄

廖凝爲人頗好談諧嘗讀裴說經杜甫墓詩擬掘孤墳破重教大雅生曰說乃劫墳賊耶聞者皆笑及在江州盛暑嘗患體燥以大桶盛冰水坐其中其簡率如此凝南唐人爲彭澤令

五代史補

宋天聖四年宣陳兢入朝賜一御雀兢持歸碎雀和醞酒一旦
合門三千餘口共嘗其味使者復奏曰陳氏一門咸知天恩加
厚矣帝深賞之曰誠哉義門也

義門記

江州義門陳氏自唐至宋聚族三千九百餘口竝未分異朝廷
屢次旌表嘉祐七年以義門盛大下矜存保全之詔江南東路
轉運使謝景初郡牧呂誨湖口鎮巡檢范彬臨門監謾分析

記

江州琵琶亭前臨江左枕湓浦地尤勝絕夏

英公梅儀

詩最佳夏

云年光過眼如車轂職事羈人似馬銜若遇琵琶應大笑何須

涕泣滿青衫梅云陶令歸來爲逸賦樂天謫宦起悲歌有絃應

被無絃笑何况匪絃泣更多

中山詩話

王元甫有詩名如動地隋兵至君王尚晏安須知天下窄不及
井中寬樓外鋒交白溪邊血染丹無情是殘月依舊照闌干廬
山紹聖間敕賜高尚處士以所作景陽井詩也東坡嘗跋云余
聞江南王元甫郭功甫皆有詩名余南歸過九江因道士胡洞
微求謁之元甫云吾不見士大夫五十年矣竟不可見後余過
秣陵有以元甫景陽井詩示余乃知其得名不虛也

能改齋漫錄

廬山臥龍菴有劉道人自云百餘歲碧眼不粒食惟食柏飲水

每客至必先知之欲往見不果

楊龜山文集

廬山瑞香花古所不有亦不產他處天聖中人始稱傳東坡諸公繼有詩咏豈靈早異芳俟時乃出故記序篇什悉作瑞草廬山記亦載瑞香花名詎禪師云山中瑞采一朝出天下名香獨見知張祠部強名佳客以瑞為睡焉其詩曰曾向廬山睡裏聞香風占斷世間春親花莫撲枝頭蝶驚覺南廳午夢人

江自湖口分一支為南江蓋江西路也江水渾濁每汲用皆以杏仁澄之過夕乃可飲南江則極清澈合處如引繩不相亂晚抵江州州治德化縣即唐之潯陽縣柴桑栗里皆其地也南唐

為奉化軍節度今為定江軍岸土赤而壁立東坡先生所謂舟

人指點岸如頰者也

陸游入蜀記

建元中庾崇于江州溺死爾日即還家見形一如平生多在妻樂氏室中妻懼呼諸從女紡績作伴於是漸疎時來輒悲云貧與生者接耳反致疑惡豈副我歸意耶從女忽見紡績之具在空中有物撥動或投於地從女怖皆去崇即常見有一二歲兒就母求食母曰無錢食那可得崇乃懷槍撫兒頭曰我不幸早世令汝窮乏念汝愧汝情何極也忽將二百錢置妻前云可為兒買食經年妻轉貧苦崇云卿既守節而貧困若此真當相迎

耳未幾妻死崇乃寂然

出明錄

義驗者九江戍校王成之鎧騎也開禧間寇大入淮甸成以卒屢戰有功遷將候騎徇地至花廳見病驗馬疥而瘡骨如堵牆莫適爲左繫而得之歸飼以豐秣幾半年膚革僅完毛彩復生寘之槽檻與羣馬不相顧成亦未始異之一日同列有告馬病從成請驗往始命鞍蹏鳴人立左右驥拒不可制易十數健卒莫能執何乃以歸之成成曰安有是呼常馭羸卒持控來則貼耳馴服如平時警控綏亟無少忤者自是惟成乘則受之他人則復弗受嘉定庚午峒寇李元弼作亂統府調兵三千以往成

與行崎嶇山澤夷若方軌至吉之月餘寇犯龍泉柵成出搏四五合幾敗之矣或以鈎出其腋及韃而墜地焉官軍亟鳴鉦驗屹立不去躑躅徘徊鳴屍側賊將領曰良馬也取之元弼有弟悍狼見之色動遂試之蹴踠進退折旋良極不勝喜貯以上廩煮豆粟湯泉煎鬲用金玉爲鎧華鞵鑿續極其鮮明羣渠皆釀酒來賀錫重卒有爲賊掠取者知之曰驗他日未嘗若是彼畜也而亦畏賊耶竊怪之後復犯永新柵官軍出迎驗識我軍旗幟亟馳賊覺有異大呼勒挽不止則怒以鐵槊擊之胯蓋傷驗不復領官陣以入軍士有識之者曰此王校之驗也是異服

者必其會相與逐之執以下詢而得其實則縛以徇于軍曰得
元礪之弟矣譟而進賊軍大駭遂敗之急羽露書以出奇獲醜
聞檻送江右道朝廷聞而嘉之第賞有差眾恥其功之出于馬
也沒驗之事驗之義遂不聞于時居二日驗歸病傷不秣而死

岳珂義
驗傳

庾樓正對廬山之雙劍峯北臨大江氣象雄麗自京口以西登
覽之地多矣無出庾樓右者樓不甚高而覺江山烟雲皆在几
席間真絕景也白樂天詩云潯陽欲到思無極庾亮樓南湓口

東節錄陸游
入蜀記

紹興間張俊遣卒至彭澤卒故縣吏怙俊勢侵辱令令郭彥恭
械之俊訴於朝帝爲罷彥恭王居正言彥恭不畏強禦無可罪

矣王居
正傳

孝元在江州時有人爲望蔡縣令經劉敬躬亂縣廡被焚寄寺
而住民將牛酒作禮縣令以牛擊殺屏除設鋪陳牀座於堂上
接賓客未殺之頃牛解徑來至階而拜縣令大笑遂令左右宰
之飲啖醉飽便臥於簷下及醒卽覺體痒爬搔隱疹因爾成癩

十許年死顏氏
家訓

東坡遊廬山至東林作偈曰江聲便是廣長舌山色豈非清淨

身夜來八萬四千偈他日如何舉似人橫看成嶺側成峯遠近
看山了不同不識廬山真面目只緣身在此山中魯直曰此老
子般若橫說豈說了無剩語非其筆端能吐此不傳之妙哉

冷齋

夜話

九江有碑工李仲寧刻字甚工黃太史題其居曰琢玉坊崇寧
初詔郡國刊元祐黨籍姓名太守命仲寧使劉之仲寧曰小人
家舊貧只因刊蘇內翰黃學士詞翰遂至飽暖今日以奸人爲
名誠不忍下手守義之曰賢哉士大夫之所不及也餽以酒而

從其請

揮塵後錄

元翰林承旨龍仁夫字觀復永新人見雷劉諸人爲元大臣乃
作琵琶詩云老大蛾眉負所天至今遺恨在哀絃江心正好彈
明月却抱琵琶過別船以譏之

元仁崇延祐時命江西行省進廬山圖

桑倚紀事

觀音閣有飛來鐘一口約重千觔相傳風雨雷電之夕至此其

篆刻元

正時物也自馬當某廟飛來

彭澤舊志

熊孺登集中有董監廟絕句云仁傑淫祠廢欲無枯楓老櫟兩
三株神烏慣得高人食飛越征帆過彭澤董監不知何許人廟
當在彭蠡湖濱今不可考矣

白志

海陽張來儀著靜居集與高季迪楊梅菴徐幼文齊名吳人張
習曰國初以高楊張徐比唐之四傑故老言不惟文才之似而
其攸終亦不相遠眉菴盈川令終如一季迪之斃同乎賓王幼
文雖不溺海僅全要領而非首邱先生投龍江又與照鄰無異
噫亦異矣程夢陽曰靜居五言古詩學杜學韋各有神理非苟
然者樂府歌行材力馳騁音節諧暢不襲宋元格調眉菴樂府
尚多套語不若靜居才力深渾有自得處七言律詩清圓渾脫
不事雕績全是唐音頡頏高陽未知前後或謂楊不如高又謂
張徐不及高楊皆耳食之論也

列朝詩
小傳

都源水西行十五里乃折而東入懷溪源之東山行五里忽折
而西秀出者曰耳峯自耳峯逶迤而下十里又別爲一枝曰烏
岡行二十里乃折而或南或北不可繩準耳峯之間面勢烏岡
者曰禪師之嶺父老傳言古有禪者三日坐峯上蛻去人神而
祠之甫暘時應歲輒以雄雞置其上報之祠壇而不屋雞棲不
去亦卒無毒蟲猛獸之傷宋元間峯下有菴數百年偶仆旋起
無廢居者近甲申乙酉之際僧散出屋乃毀己丑仲春山上鐘
忽自鳴三日夜源之人具聞之夏五月有二僧自楚來丐居源
之莫不曰鐘告之矣庵成磨石峯上記之

文德翼求
興菴序

石鐘山在湖口縣當彭蠡之衝上下二山嵌空岿嵒余以丁卯
北上南宮登焉閱蘇文忠公詩序謂上下有巖洞江濤流轉觸
而成聲又謂上有魚池今廢不存矣自文忠而外又有吳明卿
陳于韶二參伯詩明卿云楚客登高秋似濃白雲隨杖入芙蓉
九江落日迷山市萬壑松濤響石鐘古閣懸空愁過烏輕帆挾
雨帶飛龍俯看天塹雄南北何事中原有成烽于韶云一片孤
城雙石鐘稜層傑閣隱芙蓉雲堆峭壁愁黃鵠雷起陰潭上白
龍楊子暮潮搖極浦匡廬殘雪見中峯乾坤今古雄天塹却訝
南州有成烽一眺蒼波萬里流東西吳楚坐中收峯高烏鵲凌

寒度水闊鼉鼉吹浪遊落日倒翻河漢影斷虹長持石梁秋天
涯憔悴誰能醉芳草浮雲處處愁時吳以南康節推游陳以真
章參伯西歸芳草浮雲殆有指也

節錄朱
秉器集

尼妙寂姓葉氏江州潯陽人也初嫁任華潯陽之賈也父昇與
華往復長沙貞元十一年春之潭州過期不復妙寂忽夢父被
髮裸形流血滿身泣曰吾與汝夫遇盜皆已死矣以汝似有志
者天許復讎但幽明之意不欲顯言故吾隱語報汝誠能思而
復之吾亦何恨妙寂曰隱語何昇曰殺我者車中緹門東草俄
而見其夫形狀若父泣曰殺我者禾中走一日夫妙寂撫而哭

遂爲女弟所呼覺泣告其母闔門大駭念其隱語杳不可知訪於鄉里之有識者皆不能解秋詣上元縣瓦棺寺乃緇服舍身寺中日伺識者數年有李公佐罷嶺南從事攬衣登閣頗異常倫妙寂前拜泣告以事公默行數步喜招妙寂曰殺汝父者申蘭殺汝夫者申春也車去兩頭而言猴申字耳草而門門而東非蘭字耶禾中走穿田過也亦申字耳一日夫春字也妙寂拜謝曰果得釋憾誓報深恩厥後公佐之秦維舟泗洲光王寺戒壇見一尼若舊識者將去尼呼曰饒御貞元中不爲南海從事乎尼乃昔瓦棺寺求解車中猴者也公佐悟曰竟獲賊否對曰

自悟夢言乃男服易名士寂泛備江湖數年聞蘄黃有中村往焉訪其村有名蘭者因默往求傭併賤其價蘭喜召之俄又聞其從弟有名春者於是勤恭執事晝夜不懈數載蘭或農或商或畜貨武昌關輪啓閉悉委焉因念箇中半是父及夫所常服用者蘭春初出季處未嘗借出其擒一而驚逸也末貞年重九二盜飲既醉乃奔告于州乘醉而獲一問而辭伏就法得其所喪以歸奉母而爲尼于此向非侍御吾向克復其讎乎因拜謝公佐大異之遂爲作傳

續幽怪錄

湖邑黃茅潭畔替爲隲田每被猪蛟攻陷至千五百餘畝邑令

程繩祖患之齊禱於城隍其蛟白日斃於迅雷尸血浮江并請
除田稅民賴以安建祠祀之

南林
粟集

文殊臺西遠壑中昏夜時有光點點出其間如燈人呼爲佛燈
有僧夜坐見火大如斗附地而流宋晦翁山北紀行天池院西
數步有小佛閣下臨絕壑是遊人請燈處僧云燈非禱不見是
日不禱而光景明滅頃刻異狀諸生或疑其妄予謂僧言則妄
而此尤不可誣豈地氣之盛然耶

駱祭酒敏業師失其姓名性至介祭酒致仕歸執弟子禮自攜
布帛各一端往候之乃受布而辭帛曰帛與吾身不習也詢廚

中無所有以米一瓶已自注磨令祭酒拽之爲粉作饊共食而

別邑人傳爲高士云

湖口
善志

江夏賀逢聖賢相也崇禎十一年致仕歸過鱖魚嘴初則風濤
驚阻次如膠黏不脫舟子汲水見有連枝帶根樹支附于舟之
兩旁固不可解江夏肅衣冠具牲醴祭之忽兩樹浮起翅足鬣
鬚畢具狀甚猗儉更可異者枝節盤錯處多米豆布絲物件等
屑蓋風波時覆舟所積也土人鼓舞昇引登岸爲立廟以祀江

津遂爲安流

彭澤
志

明末賊亂瑞昌聶氏家富族夥練精壯數百人保護鄉里土寇

不敢犯後聞莊烈殉國誓血勤王豎旗於上峯巔或少之曰昔
岳太保以八百騎破金十萬兵豈在多哉乙酉夏值闖賊奔竄
流氛颺至聶家衆與敵殺賊將五人兵數十人次日賊兵悉來
聶眾戰沒時有兄弟七人善使長鎗且戰且走賊不敢近護保
其家老幼出避今聶宗有後者皆其力也

瑞昌舊志

明末有士人泊馬當磯下夜半聞啾啾哭泣聲五更始散士人
晨起踪跡之沙洲畫如鳥跡者數行士固淹博者以意釋之得
詩一首云長鯨吸浪海天昏兄弟同時弔屈原千古難消魚腹
恨一家誰識雁行冤青春少婦空臨鏡白髮高堂尚倚門最是

五更淒切處一輪明日照雙魂

彭邑舊志

宋景文言大小孤山以孤獨爲字有廟江壖乃爲婦人狀龍圖
閣直學士陳公簡夫詩曰山稱孤獨字廟塑女郎形過客誰知

誤行人但乞靈時稱佳句

萍陽賦

明曹能始過馬當有估客曲今錄其二詞云莫作江中馬朝朝
無人賈但作舟中雞夜夜逐村啼平看小孤石穩渡馬當山前

途何處險湖口有新關

萍陽賦

瑞邑西北黃江洞去下巢湖里許中有龍潛歲旱騰雨輒應國
初龍水沸漲有石碑自洞湧出湖中漁人獲之藏于家時現光

怪因委諸林莽越數十年雍正己酉居人陳喬遷者洗拭讀之
字畫奇古上鐫許真人遜遊黃龍洞詩中有駕鶴來吳楚追龍
憩洞庭之句碑末刻元康二年壬子立石

詳見張象坤摘錦集

五柳先生所歸處村中有老人行乞為業遇人則曰予百四十
歲矣無籍貫姓氏非本無之蓋彼亦不自知其所從來也初來
為村人牧牛止須一飽牧一生無絲毫積今老矣不能牧故至
是耳計嘉靖抵明終已百二十餘年今歷

大清又十三年矣則百四十非誕也他日余過故里尋得老人
為牧之處其主人之孫曰彼自嘉靖初為余祖牧牛余父兒時

見彼初來已約略近四十無論余祖卽余父亦至八十餘久為
泉下人余又復皤皤矣由是說計之則是嘉靖以前所生者尚
不止手百四十矣百四十云者從老人自命之辭一混沌甲子
耳今猶矍鑠行乞十里則終日返廿里則翌日返以至百里內
趾跡錯交然其後死尚未有期其人無異狀身不滿四尺貌癯
而黑似應為乞者獨雙耳垂垂長二寸許老猶腴潤如故又云
其人從未破色懲戒不知世間男女婚嫁為何事至今猶童子
身意者壽在斯乎或曰彼少時不自知其姓名混沌未鑿如頑

石然石故壽也

毛撻文集

饒子卿隱居康王谷茅茨數椽不避風雨每漏濕則張蓋于梁上而危坐其下終日無間色茅爛輒易人謂之茅龍更衣十三賢共

注廬山記

彭澤黃花鄉有農戶逢氏田甚廣已牛不能備耕嘗僦他牛以兼其力逢氏之猾惡為一鄉之帥焉得他牛則晝夜歸筆耕於烈日管耨於晦月未嘗一刻容其怠一日雷碎發逢氏震死周用修瑞昌縣樓下村人有子有媳生計頗自給一日有姬年五十許入其家登樓居之忽有諳語飛入其耳姬怒飄然不知所之用修家所有存雖局所甚固姬盡免去邑人長見老姬在

用修門首為市作崇三年用修困甚請於官召巫治之皆不驗

肩厚轆以庶吉士在假至用修家先一日怪去用修異之乞厚

轆為驅除厚轆用硃書黃紙檄其土地及社神云檄限三日

驅之不能則五日七日若再不能是無神也焉用血食為當冷

焚爾廟毀汝像矣檄焚後厚轆即渡江訪友閱月歸仍過樓下

村在肩輿小睡似見漫山塞谷老幼男婦人上立人幾千萬

擁道來觀二老髮長二尺端立輿旁默無語厚轆驚覺已入城

諸族人賀曰君焚檄後三日怪去竟不復來用修復求為草

後文再焚於二神祠怪遂絕詳袁簡齋新齋譜

彭澤洞蕪在二都西港之西夏莊劉姓蕪內有名銅鼓凸者周
道十畝許高約尺餘中有大小二洞蕪隨水浮沈春夏水漲其
地益高遇暴風舟每依之兩蕪中多窟大如斗內泥水深無底
其水溫暖有氣滷滷然土人於嚴冬時聞有拾取魚鱉者

湖口鄒西林事母至孝以家貧攻木於近地之黃梅母年六十
餘得膈病已半年西林每五鼓趨五祖廟禮佛祈禱一日其母
在門首恍惚有人拂其背回視則一僧人冠服母詰之僧曰爾
無駭我爲爾醫病者也母因延至家入室取茶出則其人已無
踪跡惟案上紙裹丸五顆母取服之病卽痊時嘉慶三年事也

後十餘年母乃終人咸以爲孝感云

明洪武初太祖親征陳友諒彭澤歐陽尚誠奮義從征凱旋駐
蹕小孤復進膳痛師太祖嘉其忠義賜爵本縣縣丞併銀碗匙
等器後邑賊洪懸入寇尚誠全弟力戰死家被兵燹碗匙失守
至嘉靖三十六年宗人刈麻山圍積雨卸崖碗匙出焉碗中有
功賞二字黃金燦燦外鐫至正十三年功賞花銀碗六兩重匠
夫朱四造字畫如新子孫公議世守至今猶存八世孫一敬有

記補

撫金文茂華全刊制
許天榮

夫夫國教子世世傳子孫公誠也中至全善寺大冊
大至二十致金樂無代歲至五十三年收賞其果
至嘉祐三十六年宗人似有山而禁雨增皇將取中
善得樂邑湖地獻天歡尚斯全集文輝深案錄其
樂不石外豐韻淋精大版嘉其忠差潤清本神
期斯助時天版豐德刺文精建烟烟尚尚
對十海字對也錄入忠以登奉制云

德化縣採訪勸捐

大寧黃華英生員
胡珏生員
陳翰生員
施鑑生員
黃大鋪生員

通津劉俊三增員
夏淳儒生
夏本彝生
萬靈生
李芬生

德化蔡焜職
萬中掄生
邢學涵生
陸廷松生
李芬生

德化邢廷鑲生
黃坤培生
虞登雲生
呂國儻生
黃湛生

仁貴廖濤生
朱璉生
張敬銘生
陳墉生
陶鏞生

李標生
陶伯海生
周厚謙生
唐治生
周厚勳生

孫欽生
饒典生
周厚謙生
唐治生
陳華業生

仁貴唐鳴鳳生
周厚謙生
唐治生
陳華業生

桑鮑厚淳生廩

沈蘭培生員

王謨生監

金瑛生監

顏玉堂生員

周開源生員

傅楊清生監

陳家脩生監

陳學初生員

高萬鍾生監

赤松黃天橋生廩

劉尚琦生員

陳達士生員

馮體元生員

張星耀生員

余懷玉生員

楊毓昌生員

周賓生員

郭廣和生員

葉進生員

李貽讚生監

葉普芬生監

楊鳳昌生監

鄧廷佐生監

何尊三生監

陳自思生同州

陳公鎬生監

陳自聖生監

黃華青生監

江天一生監

仙一劉起潛生廩

李春和生員

毛天祐生監

葉應允生監

何得觀生員

仙二熊叶夢生廩

蘇學泗生員

駱應椿生監

羅士俊生員

李步登生員

白鶴黃任智生廩

洪學璜生員

楊大本生原

羅士俊生員

李步登生員

白鶴李繼體生員

陳克選生員

黃慶雲生員

鍾秀生監

羅廷煌生監

南李儒清生員

吳飛鵬生員

段國瑞生員

吳宗利生員

鄭炳生員

甘泉李彬生員

蘇宗五生員

桂林生員

楊懷清生監

劉智瀚生監

甘泉李昭美生員

熊徵翔生員

雷章文生員

張萬選生監

宋錫朋生員

甘泉李彬生員

葉向榮生員

涂經魁生員

李殿元生監

熊炳生員

甘泉李昭美生員

黃同李生員

黃元吉生監

劉士良生員

熊炳生員

封郭晨光生廩

黃文炳生員

黃居廣生員

張西銘生員

張作霖生員

一吳浩源生員

吳際熙生廩

張秀崑生廩

梅開芳生監

郭斌生員

封郭晨光生廩

梅光裕生監

張泰生監

梅開芳生監

郭斌生員

吳浩源生員

梅光裕生監

張泰生監

梅開芳生監

郭斌生員

陳源生員

封 廖燹職員

陳聯職員

城楚 吳懋樞生員

吳秉彝生員

德安縣採訪勸捐

萬念峻舉人

曾俊附生

桂文侯監生

廖鵬生員

項占魁生員

吳懋棠生員

熊泮州同

張秀峯廩生

冷載陽附生

王德珍例貢

胡朝鑑生員

陳燦監生

李筠廩生

熊渭賓貢生

李扳柱生員

趙南雄監生

徐賓監生

李在東生員

陳先職員

方報國生員

李步雲職員

劉德麟生員

毛宗唐監生

江良儒生員

沈佑珩監生

瑞昌縣採訪勸捐

李倬雲拔貢

文同升拔貢

張耀南監生

李屏樹生員

湖口縣採訪勸捐

城內 周厚賦職貢

饒駟廩生

上鄉 劉煥新副恩

程鵬里進士

周起錦監生

徐鳳元監生

劉贊生員

梅尚松副貢

饒駟監生

李之選生員

胡夢雷舉人

李巖監生

王錦青廩生

王襄生員

曹河德恩貢

楊兆奎廩貢

王長澤舉人

柯亭秀例貢

徐春監生

余應奎生員

周厚翰增生

周厚樸增生

周升龍廩生

朱錦心例貢

張凱監生

周樾生員

饒駟增生

錢利濟附生

李榮監生

劉咸亨 員生

高鳴鶴 員歲

楊維斗 員監

高廷模 員生

高蕙叢 員歲

楊雲亭 員從九

王瑞華 員監

周贊廷 員職

李敦五 員歲

王鳴球 員歲

李耀璠 員歲

屈翹尉 員監

徐壽南 員監

楊臺春 員生

楊燦霞 員監

陳大綸 員生

劉斐常 員監

陳嘉瑞 員歲

周燦宇 員監

余德亮 員監

蕭光 員生

蔡孔誥 員生

王金臺 員歲

沈長青 員生

王鶴鳴 員職

曹言午 員監

曹卜權 員業

沈賢開 員生

李燦江 員生

沈道生 員生

蔡國棟 員生

蔡本 員業

劉鳳梧 員生

饒珉 員生

陳組豆 員生

余家樞 員生

沈晉錫 員生

周文藻 員生

殷維申 員生

黎光廷 員生

蔣叶穆 員生

周兆臨 員生

梅佳相 員生

徐金鏡 員生

崔之甲 員生

梅佳楨 員生

周蒞延 員生

梅佳相 員生

徐金鏡 員生

崔之甲 員生

楊壽彝 員生

吳琪樹 員生

夏憲章 員生

柳鳴韶 員生

柳聯璧 員生

黃步亨 員生

黃景璆 員生

葉棖鳳 員生

劉寬澤 員職

黃榜壘 員生

伍經魁 員生

袁光照 員生

洪扶蘭 員生

柯洪學 員監

鄒鳳鳴 員附

張之鑑 員舉

曹大來 員舉

張家駒 員歲

周廷枚 員生

駱其玉 員生

李南極 員生

鄭清蘭 員職

王孝震 員生

周榮昌 員生

駱其玉 員生

潘秉淵 員歲

廖啟南 員生

潘秉鶴 員生

彭榮昌 員生

彭介祉 員生

彭嘉選 員生

黃華 員武舉

周厚助 員附

周厚喙 員歲

郭在衡 員附

郭嘉瑞 員副

周營洛 員歲

郭杏元 員歲

喻煥元 員增

周鳳庭 員業

乙工部志

採訪勸捐姓氏

石鯨

張經宇

沈瑾祖

秦德韶

吳中傑

許葦穀

周馥驥

周遠達

周樂善

張誠信

沈逢時

郭照

潘金揚

周樂善

張誠信

駱之駿

廖啓蓮

潘金揚

周樂善

張誠信

彭澤縣採訪勸捐

丁世復

歐陽載

汪陶鎔

歐陽葵

丁拔

馮開泰

曾推

田芝

歐陽葵

何一善

汪啓昆

歐陽光典

周卓然

高攀桂

周之泰

周日庚

周器之

王範

萬松

歐陽書

周學忠

丁芬

歐陽肇熊

王前驅

歐陽琮

張連珠

歐陽澍

歐陽麗

袁錦蘊

譚炳璜

張連珠

歐陽澍

歐陽麗

張新鸞

洪立燠

張連珠

歐陽澍

歐陽麗

歐陽霽

歐陽謝

歐陽鳴球

歐陽澍

歐陽麗

劉開元

歐陽煌

歐陽鳴球

歐陽澍

歐陽麗

柯在培

柯選琴

高炳馴

詹懋桐

扶永清

陳林森

董澤光

周正廷

詹懋桐

扶永清

劉種桃

張拱垣

劉運亨

李尊美

劉觀國

劉種桃

張拱垣

劉運亨

李尊美

劉觀國

劉種桃

張拱垣

劉運亨

李尊美

劉觀國

採訪勸捐姓氏

六 都 凌家駿 附生

凌逢盛 職監

凌瀚 生

劉焜 監生

李敬亭 業儒

七 都 徐虛靈 附生

李茂 監生

李裕清 貢生

八 都 饒森 廩生

陳元福 廩生

何浩 監生

九 都 曾宗一 廩生

張桂枝 附生

歐陽文藻 附生

曾樹林 附生

十 都 曾光璧 貢生

何夢甲 監生

易謙 附生

曾光佩 附生

饒增 附生

十一 都 何櫟 增生

宋鳳洲 監生

汪廷翰 廩生

高秉鳳 附生

汪本情 監生

十二 都 高利賓 廩生

朱蘭秀 附生

汪廷翰 廩生

高秉鳳 附生

汪本情 監生

十三 都 汪本慎 監生

馮廣彥 歲貢

黃毓周 監生

王其章 監生

項兆榮 增生

十四 都 項鵬 歲貢

馮廣彥 歲貢

黃毓周 監生

王其章 監生

項兆榮 增生

十五 都 宗魯 廩生

方凌翰 廩生

彭鑑 職監

陳宗高 監生

陳茂遠 監生

十六 都 楊凝露 增生

嚴寅 增生

歐陽凌霄 附生

劉向藜 廩生

陶世淑 附生

十七 都 劉槐 附生

時步瀛 貢生

徐夢齡 廩生

陶世淑 附生

計樹仁 監生

十八 都 張鳳文 附生

時步蟾 附生

劉方湖 監生

李先芳 監生

張曰鰲 增生

十九 都 張載陽 廩生

葉霖 監生

時和 貢生

何士焄 監生

採訪勸捐姓氏

重修九江府志跋

廬山高七千三百六十丈江水流三千數百餘里山水融結于九江爲要會胎字于虞夏郡于秦城于漢縣于晉復理于陳置州于唐爲軍爲路于宋元置府于明疆畫之變遷國野之經體人文之遞興事蹟之繁衍不可以無志有志矣不可以曠久而不修顧自康熙癸丑以來官斯郡者名賢相望幸以地繁劇而不暇及于志卽暇矣或倡之而不應應之而不成迄

今百四十餘年時日久而事日增事日增而議愈不一遂以爲修志之難久不修而愈見其難也夫事增則採擇貴詳議多則鎮定不易必得一學業聞望素著之人方足應當事者之命若虛廢如細爲詞臣不能退而爲吏爲吏不能退而自効學殖荒落已甘于拳曲不才而貿然以應當事之命也可乎哉而竟貿然以應而竟不得不貿然以應則以勳捐郡伯本大有爲之學承醴渠觀察之意持以必爲之定力

鼓以不得不爲之妙用卽虛廢如細者且一時自忘其愚自忘其懦歡欣鼓舞以從事于編纂之役向使前之官斯郡者亦如今當事之持以定力鼓以妙用必早有不愚不懦高出于細倍蕘者應之而出固無俟細冒替忌之咎于後也而細因以歎天下事果持以定力鼓以妙用固無不應之機無不成之事亦無愚懦不可用之人今郡伯之百廢具舉皆由此推之也區區一郡志云爾哉斯役也同郡諸子相從編

纂之力居多其裁定悉稟于觀察郡伯要之諸

子之歡欣鼓舞則又見細之自忘其愚自忘其懦因

而各殫其心力是則細實為之嚆矢也從而諒之即

怨咎于細也亦可

時

嘉慶二十三年歲次戊寅季秋月郡人曹芸細謹跋

重修九江府志跋

集文心雜龍

先王聲教

練字

陶鑄性情

徵聖

輶軒之使

練字

組織

辭令

原道

故設情有宅

章句

樹辭為體

樂府

區畛相

異章句

書必同文

練字

玉版金鏤之實丹文綠牒之

華

原道

衣被詞人

辨騷

千載心在

徵聖

乃聖賢之鴻

謨經籍之通矩也

事類

是以縉紳之林霞蔚而颺起

詩序

雜文

博雅之人

藻耀而高翔

風骨

文場筆苑

德

才英秀發

時序

古史世本稽之有則

書記

郡國文

計先集太史之府品酌事例之條史傳校練務精取

事貴約事類周爰諮謀議對迭相斟酌奏啟按實而

書文疑則闕史傳象天地效鬼神制人紀宗經獎忠

孝祝盟模山範水物色傍及萬品原道討其源流銓賦

苑其鴻裁拾其香草辨騷彌綸一篇附會使襍而

不越附會風恢恢而能遠議對其來久矣銘箴規式

存焉頌讚夫不截盤根無以驗利器不剖文奧無以

辨通才才之能通總術必並資博練神思氣有剛柔

習有雅鄭體性條流多品論說通變無方通變歲遠

則同異難密事積則起訖易疏斯固總會之爲難也

史傳自非程器上哲宗經勵德樹聲宗經弛張治術動

先擬議明用稽疑議對警校於六藝珥筆於國史詩序

酌理以富才神思總義以包體章句使刃發如新

養氣練鎔裁以曉繁略鎔裁膏潤於筆才略動簡外

而流墨中奏啟斧藻羣言原道大判條例總術不入

華侈之區頌讚各歸討論之域雜文豈能控引情源

制勝文苑哉

總術今篇

聖歷方興文思光被

時序篇

英華日新

原道篇

辭翰鱗萃

才略篇

馭飛龍於天衢騁騏驎乎萬里經典禮章跨周

轅漢

時序篇

固崇文之

盛世招才之嘉會也

才略篇

淵哉鑠乎

宗經贊

於斯極矣

情采篇

秉文君子

銘箴篇

閱石室啟金匱

史傳篇

按轡於文

雅之場

序志篇

選詞於宏富之路

封禪篇

發綺縠之高喻

集雕篆之軼材

詩序篇

百家騰躍

宗經篇

同時酌和

議對篇

輻輳相成

體性篇

各適所好

風骨篇

識在瓶管惟務折衷

序志篇

標序盛德

諫碑篇

短筆敢陳潤色鴻業請寄

明哲

詩序篇

太守朱公以史館名宿移守潯江涖數月政通人

和百廢具興尤厪念郡志久湮急宜重輯會

觀察任公公明慈惠加意斯文同捐廉創修檄五

邑紳士共勦盛舉不棄衰陋遴勸贊筆闋歲帙

成恭集劉舍人書紀頌 德勲附諸簡末用志

弗諼

嘉慶二十三年戊寅歲秋七月之吉郡人柯翹謹跋

